

四庫全書

集部

欽定四庫全書

集部

御選古文淵鑒卷十二

詳校官尚書臣德保

主事銜臣徐以坤履勘

總校官進士臣朱鈐

校對官中書臣高中

勝錄監生臣趙由青

欽定四庫全書

御選古文淵鑒卷十二目錄

漢

鼂錯

上言兵事書

請募民實塞奏

請立邊民什伍法奏

重農貴粟奏

請入粟郡縣奏

賢良對

枚乘

諫吳王書

董仲舒

賢良對一

賢良對二

賢良對三

限民名田奏

淮南王安

諫誅閩越書

一	二	三	四	五	六	七	八
---	---	---	---	---	---	---	---

欽定四庫全書

御選古文淵鑒卷十二

內閣學士兼禮部侍郎教習庶吉士臣徐乾學等奉

旨編注

漢

鼂錯

潁川人文帝時為太子家令號曰智囊數上書言事景帝即位為御史大夫建議削諸侯

北吳楚

反被誅

上言兵事書

錯學刑名而精於
兵事如此可知古
人兵家法家同原
異趣班固作刑法
志首言兵制特詳
得其指矣

臣聞漢興以來胡虜數入邊地小入則小利大入則大
利高后時再入隴西攻城屠邑毆略畜產其後復入隴
西殺吏卒大寇盜竊聞戰勝之威民氣百倍敗兵之卒
沒世不復自高后以來隴西三困於匈奴矣民氣破傷
亡有勝意今茲隴西之吏賴社稷之神靈奉陛下之明
詔和輯士卒底厲其節起破傷之民以當乘勝之匈奴
用少擊衆殺一王敗其衆而大有利非隴西之民有勇
怯迺將吏之制巧拙異也故兵法曰有必勝之將無必

西山真德秀曰
按錯三書其論
備邊皆古今不
易之論非直可
施之當時而已

勝之民由此觀之安邊境立功名在於良將不可不擇

也臣又聞用兵臨戰合刃之急者三

合刃謂交兵

一曰得地

形二曰卒服習三曰器用利兵法曰丈五之溝漸車之

水

漸讀曰瀝謂浸也

山林積石經川丘阜

經川常流之水也大陸曰阜

少木

所在此步兵之地也車騎二不當一土山丘陵曼衍相

屬

曼衍猶聯延也屬續也○衍弋戰反

平原廣野此車騎之地也步兵十

不當一平陵相遠川谷居間仰高臨下此弓弩之地也

短兵百不當一兩陳相近平地淺中可前可後此長戟

之地也劒楯三不當一萑葦竹蕭

萑葦也葦葭也蕭蒿也○萑音完

少

木蒙龍支葉茂接

蒙龍覆蔽之貌○龍來東反

此矛鉞之地也

鉞鐵把短

矛也○鉞上延反

長戟二不當一曲道相伏險阨相薄此劒楯

之地也弓弩三不當一士不選練卒不服習起居不精

動靜不集

集齊也

趨利弗及避難不畢前擊後解與金鼓

之音相失

金金鉦也鼓所以進衆金所以止衆也

此不習勒卒之過也百

不當十兵不完利與空手同甲不堅密與袒裼同弩不

可以及遠與短兵同射不能中與亡矢同中不能入與

次崖林希元曰此疏首言用兵三急中述兵法一段又添入將知兵君擇將為兵家四要末言匈奴中國長技歸重於處置降胡義渠一事此其大主意也說出兵家利害處

齊大畧無遺又
一切當真經
世之文

鹿門茅坤曰按
地形以盡兵器
之利孫吳以來
所未發明者

亡鏃同

鏃矢鋒也
鏃子木反

○此將不省兵之禍也五不當一故

兵法曰器械不利以其卒予敵也卒不可用以其將予

敵也將不知兵以其主予敵也君不擇將以其國予敵

也四者兵之至要也臣又聞小大異形彊弱異勢險易

異備

易平也

夫卑身以事彊小國之形也合小以攻大敵

國之形也以蠻夷攻蠻夷中國之形也今匈奴地形技

藝與中國異上下山阪出入溪澗中國之馬弗與也

與猶

如險道傾仄且馳且射中國之騎弗與也風雨罷勞饑

荆川唐順之曰
此大最古尚似
孫武子

臣熙曰叙兵勢
相當處如聚米
畫沙瞭然在目
歸重在帝王之
道動出萬全點
幾有本之論

渴不困中國之人弗與也此匈奴之長技也若夫平原

易地輕車突騎

易亦平也突騎言其曉銳可用衝突敵人也

則匈奴之衆易

撓亂也勁弩長戟射疏及遠

疏亦濶速也

則匈奴之弓弗能

格也堅甲利刃長短相雜遊弩往來什伍俱前

五人為伍二伍

為則匈奴之兵弗能當也材官騶發矢道同的

騶謂矢之善者

也材官有材力者騶發騶發以射也手工矢善故中則同的則匈奴之革筰木薦弗

能支也

革筰以皮作如鎧者被之木薦以木板作如楯○筰息嗣反

下馬地鬪劍戟

相接去就相薄

薄迫也

則匈奴之足弗能給也

給謂相連也此

臣正治曰言兵
事固策士之雄
而兵凶戰危數
語名言可佩則
非策士所及

中國之長技也以此觀之匈奴之長技三中國之長技
五陛下又興數十萬之衆以誅數萬之匈奴衆寡之計
以一擊十之術也雖然兵凶器戰危事也以大為小以
彊為弱在倂仰之間耳倂俯同仰讀作仰夫以人之死爭勝跌
而不振則悔之亡及也帝王之道出於萬全今降胡義
渠蠻夷之屬來歸誼者其衆數千飲食長技與匈奴同
可賜之堅甲絮衣勁弓利矢益以邊郡之良騎令明將
能知其習俗和輯其心者以陛下之明約將之即有險

阻以此當之平地通道則以輕車材官制之兩軍相為
表裏各用其長技衡加之以衆此萬全之術也傳曰狂
夫之言而明主擇焉臣錯愚陋昧死上狂言唯陛下財
擇

請募民實塞奏

臣聞秦時北攻胡貉築塞河上

貉莫客反

南攻楊粵置戍卒

首一節舉秦事以
為鑒中一節言遠
戍之不便後一節
言徙民塞下之利
末仍收歸前一節
意矩矱森然

焉其起兵而攻胡粵者非以衛邊地而救民死也貪戾
而欲廣大也故功未立而天下亂且夫起兵而不知其

東發黃囊白錯
言兵事使民入

執戰則為人禽屯則卒積死夫胡貉之地積陰之處也

木皮三寸冰厚六尺食肉而飲酪其人密理鳥獸毳毛

密理謂其肌肉
密也毳細毛也其性能寒揚粵之地少陰多陽其人疏

理鳥獸希毛其性能暑秦之戍卒不能其水土戍者死

於邊輸者債於道債什也秦民見行如往棄市因以謫發

之名曰謫戍先發更有謫及贅壻賈人後以嘗有市籍

者又後以大父母父母嘗有市籍者後入閭取其左秦時

復除者居閭之左後發之不順行者深恐有背畔之心

凡民守戰至死而不降北者以計為之也故戰勝守固則有拜爵之賞攻城屠邑則得其財鹵以富家室故能使其衆蒙矢石赴湯火視死如生今秦之發卒也有萬死之害而亡銖兩之報死事之後不得一筭之復復復除也天下明知禍烈及已也陳勝行戍至于大澤為天下先倡天下從之如流水者秦以威劫而行之之敝也胡人衣食之業不著於地其執易以擾亂邊竟何以明之胡人食肉飲酪衣皮毛非有城郭田宅之歸居如飛鳥走

甬川張邦奇曰
民尚農則恒產
立恒產立則土
著固土著固則
緩急為用此勸
農力本為當世
急務也

獸於廣墜美草甘水則止草盡水竭則移以是觀之往
來轉徙時至時去此胡人之生業而中國之所以離南
晦也今使胡人數處轉牧行獵於塞下或當燕代或當
上郡北地隴西以候備塞之卒卒少則入陛下不救則
邊民絕望而有降敵之心救之少發則不足多發遠縣
纔至則胡又已去聚而不罷為費甚大罷之則復入如
此連年則中國貧苦而民不安矣陛下幸憂邊竟遣將
吏發卒以治塞甚大惠也然令遠方之卒守塞一歲而

更不知胡人之能不如選常居者家室田作且以備之

以便為之高城深塹具蘭石布渠答

蘭石城上雷石也渠答鐵蒺藜也

復為一城其內城間百五十步要害之處通川之道調

立城邑毋下千家

調謂算度之也○調徒鈞反

為中周虎落

虎落者外蕃也

以竹篾相連
遮落之也

先為室屋具田器廼募卑人及免徒復作

令居之

募有罪者及罪人遇赦復作竟其日月者今皆除其罰令居之也

不足募以丁

奴婢贖卑及輸奴婢欲以拜爵者不足廼募民之欲往

者皆賜高爵復其家予冬夏衣廩食能自給而止郡縣

臣廷敬曰客兵
之與土著利害
昭然可見而區
畫詳盡使赤障
者安居樂業則
不易之法也

之民得買其爵以自增至卿其亡夫若妻者縣官買子
之人情非有匹敵不能久安其處塞下之民祿利不厚
不可使久居危難之地胡人入驅而能止其所驅者以
其半予之縣官為贖官為備價贖之其民如是則邑里相救助
赴胡不避死非以德上也欲全親戚而利其財也此與
東方之戍卒不習地勢而心畏胡者功相萬也以陛下
之時徙民實邊使遠方亡屯戍之事塞下之民父子相
保亡係虜之患利施後世名稱聖明其與秦之行怨民

是時帝已從錯言徙民塞下矣故錯因前奏而更詳言之

臣德宜曰安插募民使生聚教訓可戰可耕此即周官井田管子內政遺意也歸重良吏尤得勞徠安集之本

相去遠矣

言發怨恨之人使行戍役也於是上從其言募民徙塞下

請立邊民什伍法奏

陛下幸募民相徙以實塞下使屯戍之事益省輸將之費益寡甚大惠也下吏誠能稱厚惠奉明法存卹所徙之老弱善遇其壯士和輯其心而勿侵刻使先至者安樂而不思故鄉則貧民相募而勸往矣臣聞古之徙遠方以實廣虛也所以充實寬廣空虛之地相其陰陽之和嘗其水泉之味審其土地之宜觀其草木之饒然後營邑立城製

臣乾學曰管子
用軌里鄉連之
制以寄軍令數
始於五與井田
異蓋用之邊境
尤宜也故曰參
其國伍其鄙

里割宅通田作之道正阡陌之界先為築室家有一堂
二內門戶之閉置器物焉民至有所居作有所用此民
所以輕去故鄉而勸之新邑也為置醫巫以救疾病以
修祭祀男女有昏生死相卹墳墓相從種樹畜長室屋
完安此所以使民樂其處而有長居之心也臣又聞古
之制邊縣以備敵也使五家為伍伍有長十長一里里
有假士四里一連連有假五百五百帥名也假
如假借之假十連一
邑邑有假候皆擇其邑之賢材有護有保護之
能者也習地形

知民心者居則習民于射法出則教民於應敵故卒伍成於內則軍正定於外服習以成勿令遷徙幼則同遊長則共事夜戰聲相知則足以相救晝戰目相見則足以相識驩愛之心足以相死如此而勸以厚賞威以重罰則前死不還踵矣所徙之民非壯有材力但費衣糧不可用也雖有材力不得良吏猶亡功也陛下絕匈奴不與和親臣竊意其冬來南也壹大治則終身創矣欲立威者始於折膠

秋氣至膠可折弓弩可用匈奴常以為候而出軍

來而不能

重農貴粟之道在於抑末作禁游惰敦儉樸斥奢靡若以粟為賞罰農人之粟有限適所以便利商賈而究無勸於本業也

困使得氣去後未易服也愚臣亡識唯陛下財察安土重遷

黎民之性募徙邊塞事慮難行錯所以條厝置之法甚備

重農貴粟奏

聖王在上而民不凍饑者非能耕而食之織而衣之也為開其資財之道也故堯禹有九年之水湯有七年之旱而國亡捐瘠者肉腐為瘠捐骨不埋者以畜積多而備先具也

今海內為一土地人民之衆不避湯禹不避猶言不諫也加以

亡天災數年之水旱而畜積未及者何也地有遺利民

水心紫道曰漢
大帝用賈誼言
開籍田從晁錯
入粟除租後遂
三十稅一孟子
以二十取一為
額道謂有中國
人倫非苛輕之
此為當時諸侯
小國言之可也
若漢初制度已
大異必將反之

有餘力生穀之土未盡墾山澤之利未盡出也游食之
民未盡歸農也民貧則姦邪生貧生於不足不足生於
不農不農則不地著不地著則離鄉輕家民如鳥獸雖
有高城深池嚴法重刑猶不能禁也夫寒之於衣不待
輕煖饑之於食不待甘旨饑寒至身不顧廉恥人情一
日不再食則饑終歲不制衣則寒夫腹饑不得食膚寒
不得衣雖慈母不能保其子君安能以有其民哉明主
知其然也故務民於農桑薄賦斂廣畜積以實倉廩備

於古而後能利民相持紛紛欲蓋反損錯等議論雖甚賢而簡率而因時轉易主於不貪農末相安積實自倍卒成漢世之仁政則雖聖賢復起有不能廢矣至後世金得天下無異於漢上下苦心勞力奉行剗剗之策使仁人志士欲出其一二求以毫

水旱故民可得而有也民者在上所以牧之趨利如水走下四方亡擇也夫珠玉金銀饑不可食寒不可衣然而衆貴之者以上用之故也其為物輕微易臧在於把握可以周海內而亡饑寒之患此令臣輕背其主而民易去其鄉盜賊有所勸亡逃者得輕資也粟米布帛生於地長於時聚於力非可一日成也數石之重中人弗勝不為姦邪所利一日弗得而饑寒至是故明君貴五穀而賤金玉今農夫五口之家其服役者不下二人其

求利民而不可
且終莫如其所
以受病者安在
真可憐爾

能耕者不過百畝百畝之收不過百石春耕夏耘秋獲
冬藏伐薪樵治官府給繇役春不得避風塵夏不得避
暑熱秋不得避陰雨冬不得避寒凍四時之間亡日休
息又私自送往迎來弔死問疾養孤長幼在其中勤苦
如此尚復被水旱之災急政暴虐賦斂不時朝令而暮
改當其有者半賈而賣亡者取倍稱之息

取一償二為
倍稱稱舉也

於是有賣田宅鬻子孫以償責者矣而商賈大者積貯

倍息小者坐列販賣操其奇贏日游都市

奇贏謂有餘
財而畜聚奇

東發黃震曰文帝賜民田租却自入粟一事始不為無補於漢

異之物也乘上之急所賣必倍故其男不耕耘女不蠶織衣

必文采食必粱肉亡農夫之苦有什佰之得

什謂十錢伯謂百錢

因其富厚交通王侯力過吏執以利相傾千里游敖冠

蓋相望乘堅策肥履絲曳縞

堅謂好車也縞皓素也縞之精白者

此商人

所以兼并農人農人所以流亡者也今法律賤商人商

人已富貴矣尊農夫農夫已貧賤矣故俗之所貴主之

所賤也吏之所卑法之所尊也上下相反好惡乖迕

連

也○迕而欲國富法立不可得也方今之務莫若使民

臣鴻緒曰貴粟
本計也拜爵權
術也大滌天下
粟而除農民租
則用術而歸於
正

務農而已矣欲民務農在於貴粟貴粟之道在於使民
以粟為賞罰今募天下入粟縣官得以拜爵得以除罪
如此富人有爵農民有錢粟有所滌滌散也○夫能入
粟以受爵皆有餘者也取於有餘以供上用則貧民之
賦可損所謂損有餘補不足令出而民利者也順於民
心所補者三一曰主用足二曰民賦少三曰勸農功今
令民有車騎馬一匹者復卒三人當為卒者
免其三人車騎者天
下武備也故為復卒神農之教曰有石城十仞湯池百

步帶甲百萬而亡粟弗能守也以是觀之粟者王者大
用政之本務令民入粟受爵至五大夫以上廼復一人

耳

五大夫第九等爵也

此其與騎馬之功相去遠矣爵者上之所

擅出於口而亡窮粟者民之所種生於地而不乏夫得
高爵與免罪人之所甚欲也使天下人入粟於邊以受
爵免罪不過三歲塞下之粟必多矣

於是文帝從錯言令民入粟於邊賜

爵有差

請入粟郡縣奏

郡縣入粟以備用
遂可勿收民租誠
根本至計可謂名
言碩畫

陛下幸使天下入粟塞下以拜爵甚大惠也竊恐塞卒

之食不足用大滌天下粟邊食足以支五歲可令入粟

郡縣矣

入諸郡縣以備凶災也

足支一歲以上可時赦勿收農民

租如此德澤加於萬民民俞勤農

俞進也音踰

時有軍役若

遭水旱民不困乏天下安寧歲孰且美則民大富樂矣

上復從其言迺下詔賜民十二年租稅之半明年遂除民田之租稅後十二歲孝景二年令民半出田租三十

而稅一也

賢良對

文帝十五年詔舉賢良大學士錯在選中上親策詔之對策者百餘人唯錯為

以帝王霸配合策
問似亦偏駁視賈
董邈然河漢矣然
文甚古勁

高第繇是
選中大夫

臣竊聞古之賢主莫不求賢以為輔翼故黃帝得力牧

而為五帝先

力牧黃帝之佐

大禹得咎繇而為三王祖齊桓得

甯子而為五伯長今陛下講於大禹及高皇帝之建豪

英也退託於不明以求賢良讓之至也臣竊觀上世之

傳若高皇帝之建功業陛下之德厚而得賢佐皆有司

之所覽刻於玉版藏於金匱歷之春秋紀之後世為帝

者祖宗與天地相終今臣等廼以臣錯充賦

猶言備數時曹

密等舉之甚不稱明詔求賢之意臣錯少茅臣亡識知昧死

上愚對曰詔策曰明於國家大體愚臣竊以古之五帝

明之臣聞五帝神聖其臣莫能及故自親事處於法宮

之中明堂之上

法宮路寢正殿

動靜上配天下順地中得人故

衆生之類亡不覆也根著之徒亡不載也

有根著地者皆載之○著

直略反

燭以光明亡偏異也德上及飛鳥下至水蟲草木

諸產皆被其澤然後陰陽調四時節日月光風雨時膏

露降五穀孰秣孽滅賊氣息民不疾疫河出圖洛出書

仲淹王通曰洋
洋乎晁董公孫
之對有以哉

神龍至鳳鳥翔德澤滿天下靈光施四海此謂配天地
治國大體之功也詔策曰通於人事終始愚臣竊以古
之三王明之臣聞三王臣主俱賢故合謀相輔計安天
下莫不本於人情人情莫不欲壽三王生而不傷也人
情莫不欲富三王厚而不困也人情莫不欲安三王扶
而不危也人情莫不欲逸三王節其力而不盡也其為
法令也合於人情而後行之其動衆使民也本於人事
然後為之取人以已內恕及人情之所惡不以彊人情

之所欲不以禁民是以天下樂其政歸其德望之若父
母從之若流水百姓和親國家安寧名位不失施及後
世此明於人情終始之功也詔策曰直言極諫愚臣竊
以五伯之臣明之臣聞五伯不及其臣故屬之以國任
之以事五伯之佐之為人臣也察身而不敢誣奉法令
不容私盡心力不敢矜遭患難不避死見賢不居其上
受祿不過其量不以亡能居尊顯之位自行若此可謂
方正之士矣其立法也非以苦民傷衆而為之機陷也

室甫漢說曰漢
策英過於晁策
就事為文簡徑
明暢事皆鑿鑿
可行實太傅不
及也

以之興利除害尊主安民而救暴亂也其行賞也非虛

取民財妄予人也以勸天下之忠孝而明其功也故功

多者賞厚功少者賞薄如此斂民財以顧其功

顧譬也
若今言

催賃而民不恨者知與而安已也其行罰也非以忿怒

妄誅而從暴心也

從讀
曰縱

以禁天下不忠不孝而害國者

也故臯大者罰重臯小者罰輕如此民雖伏臯至死而

不怨者知罪罰之至自取之也立法若此可謂平正之

吏矣法之逆者請而更之不以傷民主行之暴者逆而

復之不以傷國

謂逆主意而反還之不令施行致傷國也

救主之失補主之

過揚主之美明主之功使主內亡邪辟之行外亡騫污

之名

騫損也污辱也

事君若此可謂直言極諫之士矣此五伯

之所以德匡天下威正諸侯功業甚美名聲章明舉

天下之賢主五伯與焉此身不及其臣而使得直言極

諫補其不逮之功也今陛下人民之衆威武之重德惠

之厚令行禁止之執萬萬於五伯而賜愚臣策曰匡朕

之不逮愚臣何足以識陛下之高明而奉承之詔策曰

西山真德秀曰
錯之對惟三王
臣主皆賢一段
為正論

吏之不平政之不宣民之不寧愚臣竊以秦事明之臣
聞秦始并天下之時其主不及三王而臣不及其佐然
功力不遲者何也地形便山川利財用足民利戰其所
與並者六國六國者臣主皆不肖謀不輯民不用故當
此之時秦最富強夫國富彊而鄰國亂者帝王之資也
故秦能兼六國立為天子當此之時三王之功不能進
焉及其末塗之衰也任不肖而信讒賊官室過度者慾
亡極民力罷盡賦斂不節矜奮自賢羣臣恐諛

恐懼而為諂諛

也驕溢縱恣不顧患禍妄賞以隨喜意妄誅以快怒心

法令煩懣

懣懣痛也懣懣千感反

刑法暴酷輕絕人命身自射殺天

下寒心莫安其處姦邪之吏乘其亂法以成其威獄官

主斷生殺自恣上下瓦解各自為制秦始亂之時吏之

所先侵者貧人賤民也至其中節所侵者富人吏家也

及其末塗所侵者宗室大臣也是故親疎皆危外內咸

怨離散逋逃人有走心陳勝先倡天下大潰絕祀亡世

為異姓福此吏不平政不宣民不寧之禍也今陛下配

臣乾學曰臚列
帝王升降之迹
歸重於五帝之
躬親又深得責
難敬君之意或
以法後王為易
行真陋說也

天象地覆露萬民絕秦之迹除其亂法躬親本事廢去

淫未除苛解矯

矯矯煩繞也。繞如紹反。

寬大愛人肉刑不用臯人

亡帑非謗不治

非讀日誹。

鑄錢者除

除鑄錢之律聽民得自鑄也。

通關去

塞

文帝十二年除關不用傳。

不孽諸侯

接之以禮不以庶孽畜之。

賓禮長老愛卹

少孤臯人有期

罪人各以其輕重不亡逃有年而免滿其年免為庶人也。

後宮出嫁

尊賜孝悌農民不租明詔軍師愛士大夫求進方正廢

退姦邪除去陰刑

官刑也。

害民者誅憂勞百姓列侯就都

各就其國也。

親耕節用視民不奢所為天下興利除害變法

臣英曰大指主
於求賢自輔以
五帝三王五伯
經緯立論未雖
告文帝以躬親
而前意實隱躍
也

易故以安海內者大功數十皆上世之所難及陛下行之道純德厚元元之民幸矣詔策曰永惟朕之不德愚臣不足以當之詔策曰悉陳其志毋有所隱愚臣竊以五帝之賢臣明之臣聞五帝其臣莫能及則自親之三王臣主俱賢則共憂之五伯不及其臣則任使之此所以神明不遺而賢聖不廢也故各當其世而立功德焉傳曰往者不可及來者猶可待

言各當其時
務立功也

能明其世

者謂之天子此之謂也竊聞戰不勝者易其地民貧窮

者變其業今以陛下神明德厚資財不下五帝

資質也謂天子

之財質

臨制天下至今十有六年民不益富盜賊不哀邊

竟未安其所以然意者陛下未之躬親而待羣臣也今

執事之臣皆天下之選已然莫能望陛下清光

今之臣不能望

見陛下之光景所及

譬之猶五帝之佐也陛下不自躬親而待不

望清光之臣臣竊恐神明之遺也

言天子虛棄神明之德

日損一

日歲亡一歲日月益暮盛德不及究於天下

究竟也

以傳

萬世愚臣不自度量竊為陛下惜之昧死上狂惑少茅

之愚臣言惟陛下財擇

按錯學申商刑名其勸帝自親事意在綜核名實然帝於禮樂

制度多譙讓未遑則錯言自足切劘也

枚乘

字叔淮陰人為吳王濞郎中王謀為逆乘奏書諫及吳滅乘由是知名召拜為弘農都尉

病免武帝即位徵乘道卒

諫吳王書

臣聞得全者全昌失全者全亡舜無立錐之地以有天下

禹無十戶之聚以王諸侯

聚聚邑也

湯武之土不過百里

上不絕三光之明下不傷百姓之心者有王術也故父

是時吳之逆謀跡尚未露故諫辭隱躍如此

次崖林希元曰
此書是當吳王
逆謀未露之先
而諫之故全不

子之道天性也忠臣不避重誅以直諫則事無遺策功
流萬世臣乘願披腹心而効愚忠唯大王少加意念惻
怛之心於臣乘言夫以一縷之任係千鈞之重上縣無
極之高下垂不測之淵雖甚愚之人猶知哀其將絕也
馬方駭鼓而驚之係方絕又重鎮之係絕于天不可復
結隊入深淵難以復出其出不出間不容髮能聽忠臣
之言百舉必脫必若所欲為危於繫卵難於上天變所
欲為易於反掌安於泰山今欲極天命之壽敝無窮之

露出事情而長
喻遠辟曲盡利
害文字起伏變
化意態橫生真
古之善言者

荆川唐順之曰
一篇辟喻

樂究萬乘之執不出反掌之易以居泰山之安而欲乘
衆卵之危走上天之難此愚臣之所以為大王惑也人
性有畏其景而惡其跡者卻背而走跡愈多景愈疾不
知就陰而止景滅跡絕欲人勿聞莫若勿言欲人勿知
莫若勿為欲湯之滄滄寒也
滄音愴。一人炊之百人揚之無
益也不如絕薪止火而已不絕之於彼而救之於此譬
猶抱薪而救火也養由基楚之善射者也去楊葉百步
百發百中楊葉之大加百中焉可謂善射矣然其所止

臣士奇曰倪辭
隱語善於立喻
周秦之大

臣杜誦曰詞賦
其所長爾乃能
抗言正論未可
以文士目之

迺百步之內耳比於臣乘未知操弓持矢也

乘自言所知者遠非

止見百步之中故謂由基為不曉射也

福生有基禍生有胎納其基絕其

胎禍何自来泰山之雷穿石單極之統斷幹

統古綆字單盡也盡

極之綆斷幹幹井上四交之幹常為汲索所契傷也○幹河干切

水非石之鑽索非木

之鋸漸靡使之然也夫銖銖而稱之至石必差寸寸而

度之至丈必過石稱丈量徑而寡失夫十圍之木始生

如蘗足可搔而絕手可擢而拔

如蘗言若蘗之生牙也搔謂抓也○搔索高反

據其未生先其未形也磨礱底厲不見其損有時而盡

種樹畜養不見其益有時而大積德系行不知其善有時而用棄義背理不知其惡有時而亡臣願大王孰計而身行之此百世不易之道也

董仲舒

廣川人治春秋孝景時為博士下帷講誦非禮不行學者皆師尊之武帝時歷江都

膠西相去位歸居以修學著書為事所著皆明經術之意年老壽終於家

賢良對一

武帝即位舉賢良文學之士仲舒以賢良對策

致知力行學之要
也不彊勉則功無
由入仁義禮樂治
之具也不更化則

陛下發德音下明詔求天命與情性皆非愚臣之所能及也臣謹案春秋之中視前世已行之事以觀天人相

治無由成篇中立
意如此深得綱領

與之際甚可畏也國家將有失道之敗而天廼先出災
害以譴告之不知自省又出怪異以警懼之尚不知變
而傷敗廼至以此見天心之仁愛人君而欲止其亂也
自非大亡道之世者天盡欲扶持而全安之事在彊勉
而已矣彊勉學問則聞見博而知益明彊勉行道則德
日起而大有功此皆可使還至而立有效者也詩曰夙
夜匪解大雅烝民之詩書云茂哉茂哉虞書咎繇謨之辭茂哉茂也皆彊勉之
謂也道者所繇適於治之路也仁義禮樂皆其具也故

子政劉向曰董仲舒有王佐之材雖伊呂無以加管晏之屬伯者之佐殆不及也

聖王已沒而子孫長久安寧數百歲此皆禮樂教化之功也王者未作樂之時廼用先王之樂宜於世者而以深入教化於民教化之情不得雅頌之樂不成故王者功成作樂樂其德也樂者所以變民風化民俗也其變民也易其化民也著故聲發於和而本於情接於肌膚臧於骨髓故王道雖微缺而箎弦之聲未衰也夫虞氏之不為政久矣然而樂頌遺風猶有存者是以孔子在齊而聞韶也夫人君莫不欲安存而惡危亡然而政亂

孟堅班固曰仲舒遭漢承秦滅學之後六經離析下惟發憤潛心大業令後學者有所統一為羣儒首

國危者甚衆所任者非其人而所繇者非其道是以政日以仆滅也夫周道衰於幽厲非道亡也幽厲不繇也至於宣王思昔先王之德興滯補弊明文武之功業周道粲然復興詩人美之而作上天祐之為生賢佐後世稱頌至今不絕此夙夜不解行善之所致也孔子曰人能弘道非道弘人也故治亂廢興在於已非天降命不可得反其所操持諄謬失其統也臣聞天之所大奉使之王者必有非人力所能致而自至者此受命之符也

天下之人同心歸之若歸父母故天瑞應誠而至書曰

白魚入於王舟有火復于王屋流為烏

書偽泰誓之辭也謂伐紂之時

有此瑞也此蓋受命之符也周公曰復哉復哉

周公視火烏之瑞乃曰復

哉復哉復報也言周有盛德故天報以此瑞也亦泰誓也

孔子曰德不孤必有鄰皆

積善系德之效也及至後世淫佚衰微不能統理羣生

諸侯背畔殘賊良民以爭壤土廢德教而任刑罰刑罰

不中則生邪氣邪氣積於下怨惡畜於上上下下不和則

陰陽繆繚而妖孽生矣此災異所緣而起也臣聞命者

西山真德秀曰西漢儒者惟一仲舒其學純乎孔孟其告君亦必以克辟蓋七篇而後未有及者

甬川張邦奇曰
董子三策明天
人之道達性命
之原發治教之
實可謂得聖門
正傳足為百王
之大法矣

天之令也性者生之質也情者人之欲也或夭或壽或
仁或鄙陶冶而成之不能粹美有治亂之所生故不齊
也孔子曰君子之德風也小人之德草也草上之風必
偃故堯舜行德則民仁壽桀紂行暴則民鄙夭夫上之
化下下之從上猶泥之在鈞唯甄者之所為甄作瓦之
人也鈞造
瓦之法其中旋轉者猶金之在鎔唯冶者之所鑄鎔謂鑄器
之模範也綏之
斯休動之斯和此之謂也臣謹案春秋之文求王道之
端得之於正謂正正次王王次春春者天之所為也正

鹿門茅坤曰首
對在仰承天心
而興教化以善
治

者王之所為也其意曰上承天之所為而下以正其所
為正王道之端云爾然則王者欲有所為宜求其端於
天天道之大者在陰陽陽為德陰為刑刑主殺而德主
生是故陽常居大夏而以生育養長為事陰常居大冬
而積於空虛不用之處以此見天之任德不任刑也天
使陽出布施於上而主歲功使陰入伏於下而時出佐
陽陽不得陰之助亦不能獨成歲終陽以成歲為名謂年
首稱春也即上所此天意也王者承天意以從事故任
云王次春者是也

晦菴朱熹曰仲舒識得本原如云正心可以正朝廷如說仁義禮樂皆具此等說皆好若陸宣公之論事却精密第恐本原處不如仲舒問賈誼與仲舒

德教而不任刑刑者不可任以治世猶陰之不可任以成歲也為政而任刑不順於天故先王莫之肯為也今廢先王德教之官而獨任執法之吏治民毋乃任刑之意歟孔子曰不教而誅謂之虐虐政用於下而欲德教之被四海故難成也臣謹春秋謂一元之意隱公始即位何不稱一年而言一者萬物之所從始也元者辭之所謂大也易稱元者善之長也謂一為元者視大始而欲正本也故曰辭之所謂大也視讀曰示春秋深探其本而反自貴者始故為人君者正心

如何曰誰有戰
國縱橫之氣伸
舒儒者但見不
透又云明於天
性知自貴於物
云云又似識得
性善

以正朝廷正朝廷以正百官正百官以正萬民正萬民
以正四方四方正遠近莫敢不壹於正而亡有邪氣奸
其間者是以陰陽調而風雨時羣生和而萬民殖五穀
孰而草木茂天地間被潤澤而大豐美四海之內聞盛
盛德而皆徠臣諸福之物可致之祥莫不畢至而王道
終矣孔子曰鳳鳥不至河不出圖吾已矣夫自悲可致
此物而身卑賤不得致也今陛下貴為天子富有四海
居得致之位操可致之勢又有能致之資行高而恩厚

臣熙曰泰并六
國漢承其後刑
名法術之習勝
而仁義道德之
意微仲舒首發
性命之原究極
天人之旨為功
於聖道大矣

知明而意美愛民而好士可謂誼主矣然而天地未應
而美祥莫至者何也凡以教化不立而萬民不正也夫
萬民之從利也如水之走下不以教化隄防之不能止
也是故教化立而姦邪皆止者其隄防完也教化廢而
姦邪並出刑罰不能勝者其隄防壞也古之王者明於
此是故南面而治天下莫不以教化為大務立太學以
教於國設庠序以化於邑漸民以仁摩仁以義節民以
禮故其刑罰甚輕而禁不犯者教化行而習俗美也聖

王之繼亂世也掃除其迹而悉去之復修教化而崇起之教化已明習俗已成子孫循之行五六百歲尚未敗也至周之末世大為亡道以失天下秦繼其後獨不能改又益甚之重禁文學不得挾書棄捐禮誼而惡聞之其心欲盡滅先聖之道而顓為自恣苟簡之治故立為天子十四歲而國破亡矣自古以徠未嘗有以亂濟亂大敗天下之民如秦者也其遺毒餘烈至今未滅使習俗薄惡人民嚚頑抵冒殊扞孰爛如此之甚者也

抵觸也冒

經術其言甚醇
而第一策于性
命之旨尤遠謂
為漢世大儒信
然

臣德宜曰以行
道為求天之端

犯也殊絕也
也扞拒也
孔子曰腐朽之木不可彫也糞土之牆不可
圻也今漢繼秦之後如朽木糞牆矣雖欲善治之亡可
奈何法出而姦生令下而詐起如以湯止沸抱薪救火
愈甚亡益也竊譬之琴瑟不調甚者必解而更張之乃
可鼓也為政而不行甚者必變而更化之乃可理也當
更張而不更張雖有良工不能善調也當更化而不更
化雖有大賢不能善治也故漢得天下以來常欲善治
而至今不可善治者失之於當更化而不更化也古人

以正心為體元
之要以興教化
為致休應之原
天人相與之微
聖功王道之極
皆一以貫之矣

以誠於內而致行
之聖功王道不外

有言曰臨淵羨魚不如退而結網今臨政而願治七十
餘歲矣不如退而更化更化則可善治善治則災害日
去福祿日來詩云宜民宜人受祿于天大雅假樂之詩為政而
宜於民者固當受祿于天夫仁誼禮知信五常之道王
者所當修飭也五者修飭故受天之祐而享鬼神之靈
德施於方外延及羣生也

賢良對二

臣聞堯受命以天下為憂而未以位為樂也故誅逐亂

乎此

正叔程頤曰漢
之諸儒惟董子
有儒者氣象

臣務求賢聖是以得舜禹稷禹咎繇衆聖輔德賢能佐
職教化大行天下和洽萬民皆安仁樂誼各得其宜動
作應禮從容中道故孔子曰如有王者必世而後仁此
之謂也堯在位七十載廼遜於位以禪虞舜堯崩天下
不歸堯子丹朱而歸舜舜知不可辟辟讀曰避乃即天子之
位以禹為相因堯之輔佐繼其統業是以垂拱無為而
天下治孔子曰韶盡美矣又盡善也此之謂也至於殷
紂逆天暴物殺戮賢知殘賊百姓伯夷太公皆當世賢

者隱處而不為臣守職之人皆奔走逃亡入於河海天
下耗亂萬民不安故天下去殷而從周文王順天理物
師用賢聖是以閔天太顛散宜生等亦聚於朝廷愛施
兆民天下歸之故太公起海濱而即三公也當此之時
紂尚在上尊卑昏亂百姓散亡故文王悼痛而欲安之
是以日昃而不暇食也孔子作春秋先正王而繫萬事
見素王之文焉繇此觀之帝王之條貫同然而勞逸異
者所遇之時異也孔子曰武盡美矣未盡善也此之謂

人之學者惟仲舒其天資粹美用意純篤漢唐諸儒鮮其比者使幸而及門於孔氏親承聖訓庶幾四科之流亞矣

也臣聞制度文采玄黃之飾所以明尊卑異貴賤而勸有德也故春秋受命所先制者改正朔易服色所以應天也然則宮室旌旗之制有法而然者也故孔子曰奢則不遜儉則固儉非聖人之中制也臣聞良玉不瑑質潤美不待刻瑑此亡異於達巷黨人不學而自知也

人項然則常玉不瑑不成文章君子不學不成其德臣

聞聖王之治天下也少則習之學長者材諸位

隨其材之優劣

而授之位也爵祿以養其德刑罰以威其惡故民曉於禮誼

西山真德秀曰
按奢儉皆非中
制然與其不遜
也寧固仲舒言
之不詳武帝侈
心之啟未必不
由此

而恥犯其上武王行大誼平殘賊周公作禮樂以文之

至於成康之隆囹圄空虛四十餘年此亦教化之漸而

仁誼之流非獨傷肌膚之效也至秦則不然師申商之

法申不害行韓非之說憎帝王之道以貪狼為俗貪狼性

謂貪為貪狼貪狼非有文德以教訓於天下也誅名而不察實誅責

也為善者不必免而犯惡者未必刑也是以百官皆飾

虛辭而不顧實外有事君之禮內有背上之心造偽飾

詐趣利無恥又好用慳酷之吏賦斂亡度竭民財力百

西山真德秀曰
武帝徒聞而不
尊徒知而不行
此其受病之本
故仲舒藏之

姓散亡不得從耕織之業羣盜並起是以刑者甚衆死
者相望而姦不息俗化使然也故孔子曰導之以政齊
之以刑民免而無耻此之謂也今陛下并有天下海內
莫不率服廣覽兼聽極羣下之知盡天下之美至德昭
然施於方外夜郎康居殊方萬里說德歸誼夜郎西南夷也康居
西域國名此太平之致也然而功不加於百姓者殆王心未
加焉曾子曰尊其所聞則高明矣行其所知則光大矣
高明光大不在於它在乎加之意而已願陛下因用所

鹿門茅坤曰次對在興太學與擇守令及求賢之大

臣乾學曰提出學校養士已得為治要領做是法也而行之卒

間設誠於內而致行之則三王何異哉陛下親耕籍田

以為農先夙寤晨興憂勞萬民思惟往古而務以求賢

此亦堯舜之用心也然而未云獲者士素不厲也厲謂勸勉

之夫不素養士而欲求賢譬猶不琢玉而求文采也故

養士之大者莫大庠太學太學者賢士之所關也教化

之本原也今以一郡一國之衆對亡應書者書謂舉賢良文學之

也詔書是王道往往而絕也臣願陛下興太學置明師以

養天下之士數考問以盡其材則英俊宜可得矣今之

無成效豈非改作之難而古制之不可遽復乎

臣廷敬曰制策云道世務而未濟故此對多切於時務之言

郡守縣令民之師帥所使承流而宣化也故師帥不賢

則主德不宣恩澤不流今吏既亡教訓於下或不承用

主上之法暴虐百姓與姦為市

言小吏有為姦欺者守令不舉乃反與之交易

求利

貧窮孤弱冤苦失職甚不稱陛下之意是以陰陽

錯繆氛氣充塞羣生寡遂黎民未濟皆長吏不明使至

於此也夫長吏多出於郎中中郎吏二千石子弟選郎

吏又以富訾未必賢也

訾與資同

且古所謂功者以任官稱

職為差非所謂積日素久也故小材雖素日不離於小

次崖林希元曰
觀仲舒所言當
時任官之弊則
資格之法當漢
初已然矣

官賢材雖未久不害為輔佐是以有司竭力盡知務治
其業而以赴功今則不然索日以取貴積久以致官是
以廉恥貿亂賢不肖渾殽未得其真臣愚以為使諸列
侯郡守二千石各擇其吏民之賢者歲貢各二人以給
宿衛且以觀大臣之能所貢賢者有賞所貢不肖者有
罰夫如是諸侯吏二千石皆盡心于求賢天下之士可
得而官使也徧得天下之賢人則三王之盛易為而堯
舜之名可及也毋以日月為功實試賢能為上量材而

諸不在六藝之科
孔子之術皆絕其
道勿使並進非學
有本原見得真切
者安能遽滿是言

授官錄德而定位則廉恥殊路賢不肖異處矣陛下加
惠寬臣之罪令勿牽制於文使得切磋究之臣敢不盡
愚

賢良對三

臣聞論語曰有始有卒者其唯聖人乎今陛下幸加惠

留聽於承學之臣

言轉承師說而
學之益謙辭也

復下明冊以切其意

而究盡聖德非愚臣之所能具也前所上對條貫靡竟
統紀不終辭不別白指不分明此臣淺陋之罪也冊曰

善言天者必有徵於人善言古者必有驗於今臣聞天者羣物之祖也故徧覆包函而無所殊建日月風雨以和之經陰陽寒暑以成之故聖人法天而立道亦溥愛而亡私布德施仁以厚之設誼立禮以導之春者天之所以生也仁者君之所以愛也夏者天之所以長也德者君之所以養也霜者天之所以殺也刑者君之所以罰也繇此言之天人之徵古今之道也孔子作春秋上揆之天道下質諸人情參之於古考之於今故春秋之

鹿門茅坤曰第
三對董子並按
問而條畫之其
所提挈處在損
周之文以用夏
之忠無與民爭
財利而一道術

所譏災害之所加也春秋之所惡怪異之所施也書邦
家之過兼災異之變以此見人之所為其美惡之極乃
於天地流通而往來相應此亦言天之一端也古者修
教訓之官務以德善化民民已大化之後天下常亡一
人之獄矣今世廢而不修亡以化民民以故棄行誼而
死財利是以犯法而罪多一歲之獄以萬千數以此見
古之不可不用也古謂古法也故春秋變古則譏之天令之
謂命命非聖人不行質樸之謂性性非教化不成人欲

西山真德秀曰
愚按中庸曰天
命之謂性率性
之謂道道出於
性而性出於天
仲舒此言即中
庸之意

西山真德秀曰
按此非學貫天
人之際者不能
言

之謂情情非制度不節是故王者上謹於承天意以順
命也下務明教化民以成性也正法度之宜別上下之
序以防欲也修此三者而大本舉矣人受命於天固超
然異於羣生入有父子兄弟之親出有君臣上下之誼
會聚相遇則有耆老長幼之施絜然有文以相接驩然
有恩以相愛此人之所以貴也生五穀以食之桑麻以
衣之六畜以養之服牛乘馬園豹檻虎是其得天之靈
貴於物也故孔子曰天地之性人為貴明於天性知自

貴於物知自貴於物然後知仁誼知仁誼然後重禮節
重禮節然後安處善安處善然後樂循理樂循理然後
謂之君子故孔子曰不知命亡以為君子此之謂也冊
曰上嘉唐虞下悼桀紂寢微寢滅寢明寢昌之道虛心
以改臣聞衆少成多積小致鉅故聖人莫不以晦致明
以微致顯晦與暗同是以堯發於諸侯舜興庠序深山非一日
而顯也蓋有漸以致之矣言出於已不可塞也行發於
身不可掩也言行治之大者君子之所以動天地也故

盡小者大慎微者著

能盡衆小則致高大
能慎至微則著明也

詩云惟此文

王小心翼翼故兢兢日行其道而舜業業日致其孝

善積而名顯德章而身尊此其寢明寢昌之道也積善

在身猶長日加益而人不知也積惡在身猶火之銷膏

而人不見也非明虐情性察虐流俗者孰能知之此唐

虞之所以得令名而桀紂之可為悼懼者也夫善惡之

相從如景鄉之應形聲也

鄉讀
曰響

故桀紂暴謾讒賊並進

賢知隱伏惡日顯國日亂晏然自以如日在天終陵夷

而大壞夫暴逆不仁者非一日而亡也亦以漸至故桀
紂雖亡道然猶享國十餘年此其寢微寢滅之道也冊
曰三王之教所祖不同而皆有失或謂久而不易者道
也意豈異哉臣聞夫樂而不亂復而不厭者謂之道復謂
反復行之道者萬世亡弊弊者道之失也先王之道必有偏
而不起之處故政有眊眊不而不行明也舉其偏者以補其
弊而已矣三王之道所祖不同非其相反將以裨裨扶
衰所遭之變然也故孔子曰亡為而治者其舜乎改正

西山真德秀曰
其曰道之大原
出於天則天命
率性之意尤所
謂知其本原者

朔易服色以順天命而已其餘盡循堯道何更為哉故
王者有改制之名亡變道之實然夏上忠殷上敬周上
文者所繼之袞當用此也孔子曰殷因於夏禮所損益
可知也周因於殷禮所損益可知也其或繼周者雖百
世可知也此言百王之用以此三者矣夏因於虞而獨
不言所損益者其道如一而所上同也道之大原出於
天天不變道亦不變是以禹繼舜舜繼堯三聖相受而
守一道亡救弊之政故不言其所損益也繇是觀之繼

治世者其道同繼亂世者其道變今漢繼大亂之後若
宜少損周之文致用夏之忠者

致至極也

陛下有明德嘉道

愍世俗之靡薄悼王道之不昭故舉賢良方正之士論
誼考問將欲興仁誼之休德明帝王之法制建太平之
道也臣愚不肖述所聞誦所學道師之言塵能勿失爾

若乃論政事之得失察天下之息耗

息生也耗虛也

此大臣輔

佐之職三公九卿之任非臣仲舒所能及也然而臣竊
有怪者夫古之天下亦令之天下今之天下亦古之天

下古亦大治上下和睦習俗美盛不令而行不禁而止

吏亡姦邪民亡盜賊圉圉空虛德潤草木澤被四海鳳

凰來集麒麟來游以古準今壹何不相逮之遠也安所

繆繇而陵夷若是意者有所失於古之道與有所詭於

天之理與說違也試迹之古返之於天黨可得見乎黨與儻同

夫天亦有所分子予之齒者去其角謂牛無上齒則有角其餘無角者則

有上傳其翼者兩其足傳讀曰附附著也言鳥不四足是所受大者不

得取小也古之所予祿者不食於力不動於末末謂工商之業

也是亦受大者不得取小與天同意者也夫已受大又取小天不能足而況人庠此民之所以囂囂苦不足也

囂讀與囂同若若衆怨怨聲也

身寵而載高位家溫而食厚祿因乘富

貴之資力以與民爭利於下民安能如之哉是故衆其奴婢多其牛羊廣其田宅博其產業畜其積委務此而

亡已以迫楚民

楚子有反

民日削月朘

朘音桓

寢以大窮富者

奢侈羨溢貧者窮急愁苦窮急愁苦而上不救則民不樂生民不樂生尚不避死安能避罪此刑罰之所以蕃

而姦邪不可勝者也故受祿之家食祿而已不與民爭
業然後利可均布而民可家足此上天之理而亦太古
之道天子之所宜法以為制大夫之所當循以為行也

故公儀子相魯

公儀休

之其家見織帛怒而出其妻食於

舍而茹葵愠而拔其葵

食菜曰茹

曰吾已食祿又奪園夫紅

女利孺

紅讀曰工

古之賢人君子在列位者皆如是是故下

高其行而從其教民化其廉而不貪鄙及至周室之衰
其卿大夫緩於誼而急於利亡推讓之風而有爭田之

水心禁適曰居
君子位為庶人
行誠後世通惠
然師友議論以
此自責則可教
人責士大夫則
不可蓋人主當
化人以有恥不
當疑君子以無
恥也疑君子以
無恥則人材掃
地不可振矣

訟故詩人疾而刺之曰節彼南山惟石巖巖赫赫師尹

民具爾瞻

小雅節南山之詩

爾好誼則民鄉仁而俗善爾好利

則民好邪而俗敗由是觀之天子大夫者下民之所視

效遠方之所四面而內望也近者視而放之遠者望而

效之豈可以居賢人之位而為庶人行哉夫皇皇求財

利常恐乏匱者庶人之意也皇皇求仁義常恐不能化

民者大夫之意也易曰負且乘致寇至

易解卦六三爻辭

乘車

者君子之位也負擔者小人之事也此言居君子之位

而為庶人之行者其患禍必至也若居君子之位當君

子之行則舍公儀休之相魯亡可為者矣春秋大一統

者天地之常經古今之通誼也

一統者萬物之統皆歸於一也春秋公羊傳隱

公元年春王正月何言乎王正月大一統也此言諸侯皆係統天子不得自尊也

今師異道人

異論百家殊方指意不同是以上亡以持一統法制數

變下不知所守臣愚以為諸不在六藝之科孔子之術

者皆絕其道勿使並進邪辟之說滅息

辟讀曰僻

然後統紀

可一而法度可明民知所從矣

自仲舒對策推明孔氏抑黜百家於是立學校

翼之胡瑗曰仲舒名儒也多得春秋要義所對切中當世之病如罷黜百家表章六經其功不在孟子下何謂緩而不切乎劉蕡雖直非其匹也

名田之弊宋臣葉適蘇洵馬端臨論之詳矣斟古酌今事未易言也

之官州郡舉茂材孝廉皆自仲舒發之

限民名田奏

武帝時外事征伐內興功利役費並行而民去本故仲舒上言

古者稅民不過什一其求易共使民不過三日其力易足民財內足以養老盡孝外足以事上共稅下足以畜妻子極愛故民說從上至秦則不然用商鞅之法改帝王之制除井田民得賣買富者田連阡陌貧者亡立錫之地又頗川澤之利管山林之饒荒淫越制踰侈以相高邑有人君之尊里有公侯之富小民安得不困又加

月為更卒已復為正一歲屯戍一歲力役三十倍於古

更卒為給郡縣一月而更者也正卒謂給中都官者也
率計今人一歲之中屯戍及力役之事三十倍多於古

也。更田租口賦鹽鐵之利二十倍於古秦賣鹽鐵貴
工衛反

困也既收田租又出口賦而官更奪鹽鐵之利率或耕
計今人一歲之中失其資產二十倍多於古也

豪民之田見稅什五故貧民常衣牛馬之衣而食犬彘

之食重以貪暴之吏刑戮妄加民愁亡聊亡逃山林轉

為盜賊赭衣半道斷獄歲以千萬數漢興循而未改古

井田法雖難卒行宜少近古限民名田以贍不足名田
占田

也各為立限不使富者過
制則貧弱之家可足也
塞并無之路鹽鐵皆歸於民

去奴婢除專殺之威薄賦斂省繇役以寬民力然後可

善治也

仲舒此議竟寢至哀帝時丞相孔光等申其議帝乃下限列名田詔丁傅董賢皆不便之遂格

不行及王莽僭位名天下田曰王田不得賣買其男口不滿八而田過一井者分餘田與族黨犯者法至死吏緣為姦陷刑者衆亂亦旋作法非其人雖良亦敝也

淮南王安

厲王子嗣封好書招致賓客作內書二十一篇外書甚衆後有逆謀自殺

諫誅閹越書

武帝建元六年遣王恢韓安國將兵誅閹越安上書諫

陛下臨天下布德施惠緩刑罰薄賦斂哀鰥寡恤孤獨

明暢雅健辭能達指

養耆老振匱乏盛德上隆和澤下洽近者親附遠者懷

德天下攝然

攝安也

人安其生自以沒身不見兵革今聞

有司舉兵將以誅越臣安竊為陛下重之

重難也

越方外

之地剳髮文身之民也

剳與同

不可以冠帶之國法度理

也自三代之盛胡越不與受正朔非彊弗能服威弗能

制也以為不居之地不收之民不足以煩中國也故古

者封內甸服封外侯服侯衛賓服蠻夷要服戎狄荒服

遠近執異也自漢初定已來七十二年吳越人相攻擊

者不可勝數然天子未嘗舉兵而入其地也臣聞越非

有城郭邑里也處谿谷之間篁竹之中

竹田曰篁

習於水鬪

便於用舟地深昧而多水險中國之人不知其執阻而

入其地雖百不當其一得其地不可郡縣也攻之不可

暴取也以地圖察其山川要塞相去不過寸數而間獨

數百千里

間中間也或八九百里或千里也

阻險林叢弗能盡著

不可盡載

於圖也

視之若易行之甚難天下賴宗廟之靈方內大寧

戴白之老不見兵革民得夫婦相守父子相保陛下之

德也越人名為藩臣貢酎之奉不輸大內

大內都內也
國家寶藏也

百官公卿表云治粟
屬官有都內令丞也

一卒之用不給上事自相攻擊而

陛下發兵救之是反以中國而勞蠻夷也且越人愚慙
輕薄負約反覆其不用天子之法度非一日之積也壹
不奉詔舉兵誅之臣恐後兵革無時得息也間者數年

歲比不登民待賣爵贅子以接衣食

贅子今出就
婦家為贅婿

賴陛

下德澤振救之得毋轉死溝壑四年不登五年復蝗民
生未復今發兵行數千里資衣糧入越地

資猶
齎

輿輜而

荆川唐順之曰
此書如走盤之
珠不可捉摸

次崖林希元曰
此書言山川林
麓溪谷道路之
險阻物產風氣
之凶惡南越之
風土歷歷可見

隄領

輜令竹輿車也江表作竹
輿以行是也領山嶺也

挖舟而入水

挖音它

行數百千里夾以深林叢竹水道上下擊石林中多螻

蛇猛獸

蛇惡也

夏月暑時歐泄霍亂之病相隨屬也

泄吐也

曾未施兵接刃死傷者必衆矣前時南海王反陛下先

臣使將軍間忌將兵擊之

先臣淮南厲王長也間忌以
人姓名淮南王傳作簡忌

其軍降處之上塗

塗工舍反

後復反會天暑多雨樓船卒水

居擊權

言常居舟中水上而又有擊權行
舟之役故多死也

權直孝反

未戰而疾死

者過半親老涕泣孤子號號

號古啼字

破家散業迎尸千里

之外裹骸骨而歸悲哀之氣數年不息長老至今以為
記曾未入其地而禍已至此矣臣聞軍旅之後必有凶
年言民之各以其愁苦之氣薄陰陽之和感天地之精
而災氣為之生也陛下德配天地明象日月恩至禽獸
澤及草木一人有饑寒不終其天年而死者為之悽愴
於心今方內無狗吠之警而使陛下甲卒死亡暴露中
原霑漬山谷邊境之民為之早閉晏開鼃不及夕

鼃古
朝字

臣安竊為陛下重之不習南方地形者多以越為人衆

荆川唐順之曰
前後反覆無非

是說以中國勞
費矣之意

兵彊能難邊城

為邊城作難也

淮南全國之時多為邊吏臣竊

聞之與中國異限以高山人迹所絕車道不通天地所
以隔外內也其入中國必下領水領水之山峭峻漂石

破舟不可以大船載食糧下也越人欲為變必先田餘

干界中

越邑郡陽縣也

積食糧廼入伐材治船邊城守候誠謹

越人有入伐材者輒收捕焚其積聚雖百越奈邊城何
且越人緜力薄材不能陸戰又無車騎弓弩之用然而
不可入者以保地險而中國之人不能其水土也臣聞

越甲卒不下數千萬所以入之五倍廼足

不下言輓車不減也

奉饗者不在其中南方暑溼近夏瘴熱

瘴黃病瘴丁幹反

暴露

水居蝮蛇蠱生

蠱毒也蠱音壑

疾癘多作兵未血刃而病死

者什二三雖舉越國而虜之不足以償所亡臣聞道路

言閩越王弟甲弑而殺之

甲者閩王弟之名

甲以誅死其民未

有所屬陛下若欲來內處之中國使重臣臨存

存謂省問之

施德垂賞以招致之此必攜幼扶老以歸聖德若陛下

無所用之則繼其絕世存其亡國建其王侯以為畜越

如人畜養六畜也

此必委質為藩臣世共貢職陛下以方寸之

印丈二之組填撫方外

組者印之綬

不勞一卒不頓一戟

頓壞

也讀作鈍

而威德竝行今以兵入其地此必震恐以有司為

欲屠滅之也必雉兔逃入山林險阻

如雉兔之逃竄而入山林險阻之中

背而去之則復相羣聚留而守之歷歲經年則士卒罷

勸食糧乏絕

勸即倦字

男子不得耕稼樹種婦人不得紡績

織絰丁壯從軍老弱轉餉居者無食行者無糧民苦兵

事亡逃者必衆隨而誅之不可勝盡盜賊必起臣聞長

老言秦之時嘗使尉屠睢擊越

郡都尉姓屠名睢也

又使監祿鑿

渠通道

監郡御史也祿名

越人逃入深山林叢不可得攻留軍

屯守空地曠日持久士卒勞倦越乃出擊之秦兵大敗

廼發適戍以備之當此之時外內騷動百姓靡敝行者

不還往者莫反皆不聊生亡逃相從羣為盜賊於是山

東之難始興此老子所謂師之所處荆棘生之者也兵

者凶事一方有急四面皆從

從讀作聳動也

臣恐變故之生姦

邪之作由此始也周易曰高宗伐鬼方三年而克之

既濟

臣杜訥曰惋側
沉痛之至反覆
讀之懷然有佳
兵之戒

九三 文辭 鬼方小蠻夷高宗殷之盛天子也以盛天子伐小

蠻夷三年而後克言用心之不可不重也臣聞天子之

兵有征而無戰言莫敢校也如使越人蒙死徼幸以逆

執事之顏行在前行者曰顏行蒙犯也。行胡郎反。廝輿之卒有一不備

而歸者廝析薪者與主駕車者此皆言賤役之人雖得越王之首臣猶竊為

大漢羞之陛下以四海為境九州為家八薮為囿江漢

為池八薮謂魯有大野晉有大陸秦有楊汙宋有孟諸楚有雲夢吳越之間有具區齊有海隅鄭有圃田

生民之屬皆為臣妾人徒之衆足以奉千官之共租稅

之收足以給乘輿之御玩心神明秉執聖道負黼依負

也白與黑畫為斧文謂之黼也依讀曰展展馮玉几馮

形如屏風而曲之畫以黼文張於戶牖之間馮玉几馮

德惠以覆露之使元元之民安生樂業則澤被萬世傳

之子孫施之無窮天下之安猶泰山而四維之也夷狄

之地何足以為一日之間

得其地不足為一日間暇之虞也

而煩汗馬

之勞乎詩云王猶允塞徐方既來

大雅常武之詩

言王道甚大

而遠方懷之也臣聞之農夫勞而君子養焉愚者言而

智者澤焉臣安幸得為陛下守藩以身為郭蔽人臣之任也邊境有警愛身之死而不畢其愚非忠臣也臣安竊恐將吏之以十萬之師為一使之任也

言漢發一人鎮撫之則越

人賓服不煩兵往也是時漢兵遂出踰領閭越王弟餘善殺王以降上乃令嚴助諭意於安



御選古文淵鑒卷十二

欽定四庫全書

集部

御選古文淵鑒卷十三

詳校官尚書_臣德保

主事銜_臣徐以坤覆勘

總校官進士_臣朱鈐

校對官編修_臣莊道敏

謄錄監生_臣邱南林

欽定四庫全書

御選古文淵鑒卷十三目錄

漢

嚴安

上言世務書

徐樂

上言世務書

司馬相如

諫獵疏

主父偃

諫伐匈奴書

東方朔

諫起上林苑書

化民有道對

吾丘壽王

禁民挾弓弩對

司馬遷

五帝本紀贊

十二諸侯年表序

秦楚之際月表序

漢興以來諸侯年表序

高祖功臣侯年表序

禮書

節錄

樂書

節錄

律書

節錄

平準書

節錄

孔子世家贊

伯夷列傳

孟子列傳

儒林列傳序

太史公自序

欽定四庫全書

御選古文淵鑒卷十三

內閣學士兼禮部侍郎教習庶吉士臣徐乾學等奉

旨編注

漢

嚴安

臨菑人
丞相史

上言世務書

安與主父偃徐樂俱上書言世務
上召見三人謂曰公等安在何相

見之晚也皆
拜為郎中

此書特為窮兵而
發前言禁奢侈是
引端後言郡守權
重是餘波文家賓
主之法也

臣默曰氣格似
賈誼過秦論而
引喻深切著明

臣聞鄒子曰

鄒衍之書

政教文質者所以云救也

以救

當時

則用過則舍之有易則易之

可變易者則易也

故守一而不變

者未睹治之至也今天下人民用財侈靡車馬衣裘宮

室皆競修飾調五聲使有節族

族音秦

雜五色使有文章

重五味方丈於前以觀欲天下

觀猶顯也顯示之使其慕欲也

彼民之

情見美則願之是教民以侈也侈而無節則不可贍

贍足

也

民離本而徼末矣

徼要求也○上堯反

末不可徒得故搢紳者

不憚為詐帶劔者夸殺人以矯奪而世不知媿故姦軌

浸長夫佳麗珍怪固順於耳目故養失而泰樂失而淫

禮失而采

采者文過其實也

教失而偽偽采淫泰非所以範民

之道也是以天下人民逐利無已犯法者衆臣願為民
制度以防其淫使貧富不相耀以和其心心既和平其
性恬安恬安不營則盜賊銷盜賊銷則刑罰少刑罰少
則陰陽和四時正風雨時草木暢茂五穀蕃孰六畜遂
字

遂成也
字生也

民不天厲和之至也臣聞周有天下其治三

百餘歲成康其隆也刑錯四十餘年而不用及其衰亦

三百餘年故五伯更起伯者常佐天子興利除害誅暴
禁邪匡正海內以尊天子五伯既沒賢聖莫續天子孤
弱號令不行諸侯恣行彊陵弱衆暴寡田常篡齊六卿
分晉並為戰國此民之始苦也於是彊國務攻弱國修
守合從連衡馳車轂擊

車轂相擊言其衆多也

介胄生蟣蝨民無

所告愬及至秦王蠶食天下并吞戰國稱號皇帝一海

內之政壞諸侯之城銷其兵鑄以為鍾虡

虡鍾者

示不復

用元元黎民得免於戰國逢明天子人人自以為更生

獨嚴安一疏論
事有本末言秦
失之強譏病當
世有味

鄉使秦緩刑罰薄賦斂省繇役貴仁義賤權利上篤厚
下佞巧變風易俗化於海內則世世必安矣秦不行是
風循其故俗為知巧權利者進篤厚忠正者退法嚴令
苛調諛者衆

調古
諂字

日聞其美意廣心逸欲威海外使蒙

恬將兵以北攻彊胡辟地進境戍於北河飛芻輓粟以
隨其後又使尉屠睢將樓船之士攻越使監祿鑿渠運
糧深入越地越人遁逃曠日持久糧食乏絕越人擊之
秦兵大敗秦乃使尉佗將卒以戍越當是時秦禍北構

於胡南挂於越

挂縣也

宿兵於無用之地進而不得退行

十餘年丁男被甲丁女轉輸苦不聊生自經於道樹死

者相望及秦皇帝崩天下大畔陳勝吳廣舉陳

舉謂起兵也

武臣張耳舉趙項梁舉吳田儋舉齊景駒舉郢周市舉

魏韓廣舉燕窮山通谷豪士並起不可勝載也然本皆

非公侯之後非長官之吏

長官謂一官之長也

無尺寸之勢起閭

巷杖棘矜

棘戟也矜者戟之把也時秦銷兵器故但有戟之把耳○矜巨巾反

應時而動

不謀而俱起不約而會同壤長地進至乎伯王時教使

臣正治曰周失
之弱秦失之強
其歟皆由於不
知變斯言可謂
明切

然也秦貴為天子富有天下滅世絕祀窮兵之禍也故

周失之弱秦失之強不變之患也今徇南夷朝夜郎降

羌焚略葦州建城邑

葦貉也與穢同

深入匈奴燔其龍城

龍城

匈奴祭天處

議者美之此人臣之利非天下之長策也今中

國無狗吠之警而外累於遠方之備靡敝國家非所以

子民也行無窮之欲甘心快意結怨於匈奴非所以安

邊也禍挈而不解

挈相連引也女居反

兵休而復起近者愁苦

遠者驚駭非所以持久也今天下鍛甲摩劍矯箭控弦

東發黃震曰嚴
安一書言武帝
靡敵中國結怨
夷狄而其後則
謂郡守之權非
特六卿豈慮根
本既耗或有乘
時而起者耶

矯正曲使直
也控引也

轉輸軍糧未見休時此天下所共憂也夫

兵久而變起事煩而慮生今外郡之地或幾千里列城
數十形束壤制帶脅諸侯非宗室之利也上觀齊晉所
以亡公室卑削六卿大盛也下覽秦之所以滅刑嚴文
刻欲大無窮也今郡守之權非特六卿之重也地幾千
里非特間巷之資也甲兵器械非特棘矜之用也以逢
萬世之變則不可勝諱也

徐樂

燕郡無
終人

與戚安意指各同
而造語奇整

上言世務書

西山真德秀曰
徐樂之書謂基
本積壞為土崩
禍難驟興為瓦
解其說似矣然
聖賢處治必察

臣聞天下之患在於土崩不在瓦解古今一也何謂土崩秦之末世是也陳涉無千乘之尊尺土之地身非王公大人名族之後鄉曲之譽非有孔曾墨子之賢陶朱猗頓之富也然起窮巷奮棘矜偏袒大呼天下從風此其故何也由民困而主不恤下怨而上不知俗已亂而政不修此三者陳涉之所以為資也此之謂土崩故曰天下之患在乎土崩何謂瓦解吳楚齊趙之兵是也七

於微不以基本
之固為可恃也
不以禍難之驟
為可忽也樂之
告武帝也欲明
安危之機銷未
形之患則幾微
之際皆所當謹
也

賁溪江以遠曰
徐樂謂禍難卒
作不足畏而基
本積壞深可慮
者欲武帝觀化
原而銷未形也

國謀為大逆號皆稱萬乘之君帶甲數十萬威足以嚴
其境內財足以勸其士民然不能西攘尺寸之地而身
為禽於中原者此其故何也非權輕於匹夫而兵弱於
陳涉也當是之時先帝之德未衰而安土樂俗之民衆
故諸侯無意外之助此之謂瓦解故曰天下之患不在
瓦解由此觀之天下誠有土崩之勢雖布衣窮處之士
或首難而危海內陳涉是也況三晉之君或存乎天下
雖未治也誠能無土崩之勢雖有彊國勁兵不得還踵

目他宜曰易曰
山附於地以上
厚下安宅下固
而上始安猶山
以地厚而此峙
也故云民安則
無土崩之勢實
本斯言

而身為禽吳楚是也况羣臣百姓能為亂乎此二體者
安危之明要賢主之所留意而深察也間者關東五穀
數不登年歲未復民多窮困重之以邊境之事推數循
理而觀之民宜有不安其處者矣不安故易動易動者
土崩之勢也故賢主獨觀萬化之原明於安危之機修
之廟堂之上而銷未形之患也其要期使天下無土崩
之勢而已矣故雖有彊國勁兵陛下逐走獸射飛鳥弘
游燕之囿淫從恣之觀極馳騁之樂自若

自若者言如
其常無所廢

損也從讀曰縱

金石絲竹之聲不絕於耳幃幄之私俳優朱儒

之笑不乏於前而天下無宿憂

宿久也

名何必夏子俗何

必成康

夏禹也子湯也湯子姓

雖然臣竊以為陛下天然之質寬

仁之資而誠以天下為務則禹湯之名不難侔而成康

之俗未必不復興也此二體者立然後處尊安之實揚

廣譽於當世親天下而服四夷餘恩遺德為數世隆南

面背依攝袂而揖王公

依讀曰康

此陛下之所服也

服事也

臣

聞圖王不成其敝足以安安則陛下何求而不得何威

相如文類秦華此
則伏實矣

鹿門茅坤曰辭
直而文磊落

而不成奚征而不服哉

司馬相如

字長卿成都人景帝時為武騎常侍帝不好辭賦因病免客游梁著子虛賦武

帝讀而善之以蜀人楊得意薦召為郎使巴蜀還拜中郎將通西南夷病免卒

諫獵疏

時武帝方好自擊熊豕馳逐野獸相如因上疏諫

臣聞物有同類而殊能者故力稱烏獲捷言慶忌勇期

責育臣之愚竊以為人誠有之獸亦宜然

烏獲秦武王力士也慶忌

吳王僚子也益賁夏育皆古之勇士今陛下好陵阻險射猛獸卒然遇逸

材之獸駭不存之地

不存不可得安存也

犯屬車之清塵

漢依秦制大駕

臣吳曰錦麗之
文復競忠愛

屬車八十一乘屬車者言衆車相連續不絕也輿不及還轅人不暇施巧雖有

烏獲逢蒙之技不得用逢蒙古之善射者也枯木朽株盡為難矣

是胡越起於轂下而羌夷接軫也軫車後橫木也宣不殆哉

萬全無患然本非天子之所宜近也且夫清道而後行中路

而後馳猶時有銜楬之變銜馬勒銜也楬車之鉤心也而況涉乎蓬

蒿馳乎丘墳前有利獸之樂而內無存變之意其為禍

也不亦難矣夫輕萬乘之重不以為安而樂出於萬有

一危之塗以為娛臣竊為陛下不取也蓋明者遠見於

未萌而智者避危於無形禍固多藏於隱微而發於人
之所忽者也故鄙諺曰家累千金坐不垂堂

垂堂者近
堂邊外恐

墮此言雖小可以喻大臣願陛下之留意幸察

主父偃

臨菑人學長短縱橫術晚遇學易春秋百
家之言元光元年年上書闕下朝奏暮召入

見所言九事其八事為律令一事諫伐匈奴四
遷為中大夫說上分諸侯國推恩子弟上從之

後坐
事誅

諫伐匈奴書

臣聞明主不惡切諫以博觀忠臣不避重誅以直諫是

文有紀律亦極嚴
整

荆川唐順之曰
通篇只是引用

二信事與昔人
諫諍之說而後
自說康不過數
言亦是文之一
體

臣廷敬曰偃與
風安徐樂三書
體格不同意實
體合史家備錄
之以見兵事之
宜慎其八事言

故事無遺策而功流萬世今臣不敢隱忠避死以効愚

計願陛下幸赦而少察之司馬法曰國雖大好戰必亡

天下雖平忘戰必危

司馬穰苴善用兵者書言兵法謂之司馬法一說司馬古主兵之官

有軍陳用

天下既平天子大愷

大愷周禮還師振旅之樂也

春蒐秋

獮諸侯春振旅秋治兵所以不忘戰也且怒者逆德也

兵者凶器也爭者末節也古之人君一怒必伏尸流血

故聖王重行之夫務戰勝窮武事未有不悔者也昔秦

皇帝任戰勝之威蠶食天下并吞戰國海內為一功齊

律令則以其不
甚切要故不採
入也

三代務勝不休欲攻匈奴李斯諫曰不可夫匈奴無城
郭之居委積之守遷徙鳥舉難得而制輕兵深入糧食
必絕運糧以行重不及事得其地不足以為利得其民
不可調而守也勝必棄之非民父母靡敝中國甘心匈
奴非完計也秦皇帝不聽遂使蒙恬將兵而攻胡卻地
千里以河為境地固澤鹵不生五穀地多沮澤而鹹鹵然後發
天下丁男以守北河暴兵露師十有餘年死者不可勝
數終不能踰河而北是豈人衆之不足兵革之不備哉

其執不可也又使天下飛芻輓粟起於黃腫琅邪負海

之郡轉輸北河

黃腫二縣名並在東萊

率三十鍾而致一石

六斛四斗

為鍾計其道路所費凡用百九十二斛乃得一石至

男子疾耕不足於糧餉女子

紡績不足於帷幕百姓靡敝孤寡老弱不能相養道死

者相望蓋天下始叛也及至高皇帝定天下略地於邊

聞匈奴聚代谷之外而欲擊之御史成諫曰不可夫匈

奴獸聚而鳥散從之如搏景

搏擊也搏人之陰景言不可得也

今以陛

下盛德攻匈奴臣竊危之高帝不聽遂至代谷果有平

臣乾學曰劉輕
近乎暴持重近

乎仁舜千國憂
初非迂談待重
之至即為無敵
之仁自操必勝
可主父之言可
為三省

城之圍高帝悔之迺使劉敬往結和親然後天下亡干
戈之事故兵法曰興師十萬日費千金秦常積衆數十
萬人雖有覆軍殺將係虜單于適足以結怨深讐不足
以償天下之費上自虞夏殷周固不程督夫不上觀
虞夏殷周之統而下循近世之失此臣之所以大
恐百姓所疾苦也且夫兵久則變生事苦則慮易
言思慮變
易失其使邊境之民靡敝愁苦將吏相疑而外市
與外國交
市已利若章故尉佗章邯得成其私而秦政不行權分
邯之比也

二子此得失之效也故周書曰安危在出令存亡在所

用

周書者本尚書之餘

願陛下孰計之而加察焉

東方朔

字曼倩平原厭次人武帝時待詔公車後為中郎詆達多端然時觀察顏色直言切

諫上常用之自公卿以下朔皆教弄無所為屈

諫起上林苑書

時使吾丘壽王舉籍阿城以南蓋屋以東宜春以西提封頃畝

及其賈直欲除以為上林苑又詔中尉左右內史表屬縣草田償鄠杜之民朔因進諫

臣聞謙遜靜慤天表之應應之以福驕溢靡麗天表之

應應之以異今陛下累郎臺恐其不高也

郎堂下弋獵

論上林宜興民公利即文王芻蕘堦堦之意

次崖林布元曰
義理甚正暢利
宮甚明快辭氣
昌大美麗典則
如黃鐘大呂可
薦郊廟如黼黻
冕升可表冠裳
雖枚乘鄒陽輩
以文章名或未
能過也
子與徐中行曰
朔陳止上林苑
一書較揚馬諫
獵長楊更宏瞻
古雅乃西京諫
書第一

處恐其不廣也如天不為變則三輔之地盡可以為苑

何必蓋屋郭杜乎

中尉及左右內史是為三輔

奢侈越制天為之變

上林雖小臣尚以為大也夫南山天下之阻也南有江

淮北有河渭其地從汧隴以東商雒以西厥壤肥饒漢

興去三河之地止霸產以西都涇渭之南此所謂天下

陸海之地

霸產即蒲漣二水名高平曰陸關中地高故稱陸海者萬物所出言關中山川物產饒富

是以謂之

秦之所以虜西戎兼山東者也其山出玉石

金銀銅鐵豫章檀栢異類之物不可勝原此百工所取

臣鴻緒曰議論正大氣勢昌偉較相如諫獵更為伉直
荆川唐順之曰入事處脫洒不為事使

給萬民所仰足也又有秔稻梨栗桑麻竹箭之饒土宜

薑芋水多鱉魚

芋葉似藕荷而長不圓其根白
鱉可食龜同蛙似蝦蟆而小

貧者得

以人給家足無饑寒之憂故鄴鎬之間號為土膏其賈

畝一金

賈讀曰價

今規以為苑絕陂池水澤之利而取民膏

腴之地上乏國家之用下奪農桑之業棄成功就敗事

損耗五穀是其不可一也且盛荆棘之林而長養麋鹿

廣狐兔之苑大虎狼之墟又壞人家墓發人室廬令幼

弱懷土而思耆老泣涕而悲是其不可二也斥而營之

斥却也

垣而圉之騎馳東西車騫南北

亂馳曰騫

又有深溝大

渠夫一日之樂不足以危無隄之與

隄限也與乘與也無限若言不訾也

不敢斥天子故言與也

是其不可三也故務苑囿之大不恤農時

非所以彊國富人也夫殷作九市之宮而諸侯畔

紂於宮中

設九市

靈王起章華之臺而楚民散

楚靈王作章華之臺納亡人以實之卒有

乾谿之禍

秦興阿房之殿而天下亂糞土愚臣忘生觸死逆

盛意犯隆指罪當萬死不勝大願願陳泰階六符以觀

天變不可不省

泰階三台也每台二星凡六星符六星之符驗也泰階者上階為天子中階為

諸侯公卿大夫下階為士庶人三階平則陰陽和風雨
時神祇祇獲寧天下大安是為太平三階不平則五神乏
祀災祲迭見百姓不寧故治道傾天子行暴令好興中
兵修宮榭廣苑囿則上階為之奄奄疏濶也以孝武皆
有此事故
朔為陳之

化民有道對

時天下侈靡趨末百姓多難農畝
上問朔吾欲化民豈有道乎朔對

云云

堯舜禹湯文武成康上古之事經歷數千載尚難言也

臣不敢陳願近述孝文皇帝之時當世耆老皆聞見之

貴為天子富有四海身衣弋絺

弋黑色也絺厚縐也。絺徒奚反

足履

朔此文與諫起上
林苑書及拒董偃
事可稱寥謬豈得
以滑稽目之

臣美曰當武帝時即舉文帝恭儉以為規勸彌見切實

西山真德秀曰朔雖振笑然時觀察顏色直言切諫上常用之

革舄

革生皮也不用革韋言儉率也

以韋帶劔

但空用韋不加飾

莞蒲為席

莞夫

離也今謂之蔥蒲以莞及蒲為席亦尚質也○莞音完又音官

兵木無刀

兵器如木而無刀言不大

治兵衣縕無文

縕亂絮也言內有亂絮上無文綵也○縕於粉反

集上書囊以

為殿帷以道德為麗以仁義為準於是天下望風成俗

昭然化之今陛下以城中為小圖起建章左鳳闕右神

明

鳳闕闕名神明臺名也

號稱千門萬戶木上衣綺繡狗馬被績

屬

績五綵也屬織毛也即毼毼之屬○屬音計

宮人簪璫瑁垂珠璣設戲車

教馳逐飾文采鼓珍怪

鼓古裝字

撞萬石之鐘擊雷霆之鼓

作俳優舞鄭女上為淫侈如此而欲使民獨不奢侈失
農事之難者也陛下誠能用臣朔之計推甲乙之帳燭
之於四通之衢帳多故以甲乙第之西域傳贊云興造
甲乙之帳絡以隋珠和璧天子則襲翠
被憑玉几而却走馬示不復用則堯舜之隆宜可與比
處其中也

治矣易曰正其本萬事理失之豪釐差以千里

此易緯
之文

願陛下留意察之

吾丘壽王

字子贛趙人從董仲舒受
春秋累官光祿大夫侍中

禁民挾弓弩對

丞相公孫弘奏禁民毋得挾
弓弩上下其議壽王上對

說得事理透徹安
得不令平津心服

臣聞古者作五兵非以相害以禁暴討邪也

五兵謂矛戟弓劍戈

安居則以制猛獸而備非常有事則以設守衛而施行
陣及至周室衰微上無明王諸侯力政彊侵弱衆暴寡
海內抗敝巧詐並生

抗五官反

是以知者陷愚勇者威怯苟

以得勝為務不顧義理故機變械飾所以相賊害之具
不可勝數於是秦兼天下廢王道立私議滅詩書而首
法令去仁恩而任刑戮墮名城殺豪傑銷甲兵折鋒刃
其後民以耰鉏箠相撻擊犯法滋衆盜賊不勝至於

臣士奇曰禁暴
止奸先王之法
具備未聞禁挾
弓弩也斯誠探
本之論

赭衣塞路羣盜滿山卒以亂亡故聖王務教化而省禁
防知其不足恃也今陛下昭明德建太平舉俊材興學
官三公有司或由窮巷起白屋裂地而封宇內日化方
外鄉風然而盜賊猶有者郡國二千石之罪非挾弓弩
之過也禮曰男子生桑弧蓬矢以舉之明示有事也孔
子曰吾何執執射乎大射之禮自天子降及庶人三代
之道也詩云大侯既抗弓矢斯張射夫既同獻爾發功
小雅賓之
初筵之詩
言貴中也愚聞聖王合射以明教矣未聞弓

矢之為禁也且所為禁者為盜賊之以攻奪也攻奪之罪死然而不止者大姦之於重誅固不避也臣恐邪人挾之而吏不能止良民以自備而抵法禁

抵觸也

是擅賊

威而奪民救也竊以為無逸於禁姦而廢先王之典使

學者不得習行其禮大不便

書奏上以難丞相弘弘詘服焉

司馬遷

字子長左馮翊人漢武帝時仕為郎中遷太史令坐李陵事下腐刑撰史記一百三

十篇父談亦為太史令

五帝本紀贊

五帝黃帝顓頊帝嚳堯舜紀者記也本其事而記之故曰本紀

好學深思心知其意是讀書法亦是論世法

水心葉適曰橫黃為文字之始聖智之先不獨學者言之孔子蓋言之矣至於簡棄鴻荒斷自堯舜則何必孔子自舜禹以來固然也方為益魯陶共明治道祖述舊聞其時去黃帝顓頊不遠所謂道德廣大皆獨曰堯舜未有上及其先

太史公曰

太史公司馬遷自謂也遷為太史公官題贊首也虞熹云古者主天官者皆上公非獨遷

學者多稱五帝尚矣

尚言久遠也

然尚書獨載堯以來而百

家言黃帝其文不雅馴

馴訓也謂百家之言皆非典雅之訓

薦紳先生難

言之孔子所傳宰予問五帝德及帝繫姓

五帝德及帝繫姓皆大戴

禮文及孔子家語篇名

儒者或不傳

二者皆非正經故漢時儒者多不得學也

余嘗西

至空峒

空峒山在原州黃帝問道於廣成子處

北過涿鹿

涿鹿山在妫州

東漸於

海南浮江淮矣至長老皆各往往稱黃帝堯舜之處風

教固殊焉總之不離古文者近是

古文即帝德帝系二書也近是聖人之說

者推尊聖賢之心豈夸稱而忘祖哉故余以為神靈不常非人道之始闢弗敢論非掩之也東發黃震曰遷之紀五帝自謂擇言之尤雅者著於篇其存古之意厚矣

予觀春秋國語其發明五帝德帝繫姓章矣

言已以春秋國語古

書博加考驗益以發明五帝德等說甚章著也顧第弗深考其所表見皆不虛

書缺有間矣

言古文尚書缺失其間多矣而無說黃帝之語

其軼乃時時見於

他說

帝皇遺事散軼乃時時旁見於他記說即帝德帝系等說也

非好學深思心知

其意固難為淺見寡聞道也余并論次擇其言尤雅者

故著為本紀書首

十二諸侯年表序

魯齊晉秦楚宋衛陳蔡曹鄭燕為十二表中兼敘吳為十

三表者錄其事而見之

諸家所著書見藝
文志錄氏虞氏春
秋家呂氏雜家公
孫固儒家

水心葉適曰遠
斷自共和著周
統既失不待東
遷以國語熟宣
王事推之不為
無意然謂二南
小雅盡周來所
作既與師傳不
合且周人以文
教自文王時七

太史公讀春秋歷譜

譜起周代藝文志有古帝王譜又自古為春秋學者有年歷譜

謀之說遷得而讀之杜元凱作春秋長歷及公子譜蓋因舊說

至周厲王未嘗不廢書

而歎也曰嗚呼師摯見之矣

師摯太師之名

紂為象箸而箕子

唏

箕子云為象箸必為玉杯唏歎聲。音儀

周道缺詩人本之衽席關雎作

仁義陵遲鹿鳴刺焉及至厲王以惡聞其過公卿懼誅

而禍作厲王遂奔於彘亂自京師始而共和行政焉是

後或力政彊乘弱興師不請天子然挾王室之義以討

伐為會盟主政由五伯諸侯恣行淫侈不軌賊臣篡子

月鵲巢棟大抵周台所筆也然則其盛也乃無詩必棄而後有詩且文武之君臣經營細微芟撥煩亂而致盛大乃無以勸戒諷道之且待其衰而後有嗟歎刺譏何哉又大雅不言周衰獨小雅言之原此數意皆非實也

臣杜鈞曰抑揚頓挫盡態極妍

滋起矣齊晉秦楚其在成周微甚封或百里或五十里
晉阻三河齊負東海楚介江淮秦因雍州之固四國迭
興更為伯主文武所褒大封皆威而服焉是以孔子明
王道千七十餘君莫能用故西觀周室論史記舊聞興
於魯而次春秋上記隱下至哀之獲麟約其辭文去其
煩重以制義法王道備人事決七十子之徒口受其傳
指為有所刺譏褒諱挹損之文辭不可以書見也魯君
子左丘明懼弟子人人異端各安其意失其真故因孔

蓋堅雖有其沉
鬱而風韻少減
此班馬之分也

子史記具論其語成左氏春秋鐸椒為楚威王傅為王

不能盡觀春秋采取成敗卒四十章為鐸氏微

鐸椒所撰名鐸

氏微者春秋有微婉之辭故也

趙孝成王時其相虞卿上采春秋下觀

近世亦著八篇為虞氏春秋呂不韋者秦莊襄王相亦

上觀尚古刪拾春秋集六國時事以為八覽六論十二

紀為呂氏春秋及如荀卿孟子公孫固韓非之徒各往

往捃摭春秋之文以著書不可勝紀

宋有公孫固無所述此固蓋齊人韓

國傳詩者也

漢相張蒼厯譜五德

張蒼著終始五德傳

上大夫董仲舒

推春秋義頗著文焉

作春秋繁露

太史公曰儒者斷其義馳說者騁其辭不務綜其終始
歷人取其年月數家隆於神運

數家陰陽術數之家

譜牒獨記世

諡其辭略欲一觀諸要難於是譜十二諸侯自共和訖
孔子表見春秋國語學者所譏盛衰大指著于篇為成

學治古文者要刪焉

言欲覽其要故刪為此篇

秦楚之際月表序

秦楚運數促以月紀事而名表

太史公讀秦楚之際曰初作難發於陳涉虐戾滅秦自

受命之亟是疑辭
一統之難是斷語

兩意相反又互相
發方透得出受命
正意文之有開闔
者

鹿門茅坤曰讀
秦楚月來而海

項氏撥亂誅暴平定海內卒踐帝阼成於漢家五年之

間號令三嬪

古碑字

自生民以來未始有受命若斯之亟

也昔虞夏之興積善累功數十年德洽百姓攝行政事
考之於天然後在位湯武之王乃由契后稷修仁行義
十餘世不期而會孟津八百諸侯猶以為未可其後乃
放弑秦起襄公章於文繆獻孝之後稍以蠶食六國百
有餘載至始皇乃能并冠帶之倫以德若彼用力如此
蓋一統若斯之難也秦既稱帝患兵革不休以有諸侯

內土崩與沸之
始末具矣甚可
累歎而太息也
而彼真人者朝
翔其間一切撥
亂世反之正若
轉圓然豈非神
武而聖者乎

周以形勢弱而衰
漢則形勢強矣立
意特微婉

也於是無尺土之封墮壞名城銷鋒鏑鉏豪傑維萬世
之安然王跡之興起於閭巷合從討伐軼於三代鄉秦
之禁適足以資賢者為驅除難耳故憤發其所為天下
雄指漢高祖安在無土不王此乃傳之所謂大聖乎豈非天
哉豈非天哉非大聖孰能當此受命而帝者乎

漢興以來諸侯年表序

名為王實如古之諸侯故仍以侯名表

太史公曰殷以前尚矣周封五等公侯伯子男然封伯
禽康叔於魯衛地各四百里親親之義褒有德也大公

於齊兼五侯地尊勤勞也武王成康所封數百而同姓
五十五地上不過百里下三十里以輔衛王室管蔡康
叔曹鄭或過或損幽厲之後王室缺侯伯彊國興焉天

子微弗能正非德不純形勢弱也漢興序二等

漢封功臣大者

王侯也王小者高祖末年非劉氏而王者若無功上所不置而

侯者天下共誅之高祖子弟同姓為王者九國

齊楚荆淮南燕

趙梁代淮陽唯獨長沙異姓而功臣侯者百有餘人自

虎門茅坤曰畫
次海內形勢如
掌惟五代史歐
陽公所撰職方

鴈門太原以東至遼陽為燕代國常山以南大行左轉

論可與並雄千
年絕調也

臣廷敬曰高祖
鑒秦之失而諸
侯太強孝武德
漢初之禍而諸
侯太弱強弱之
際利不百全惟

度河濟阿甄以東薄海為齊趙國自陳以西南至九疑
東帶江淮穀泗薄會稽為梁楚吳淮南長沙國皆外接
於胡越而內地北距山以東盡諸侯地大者或五六郡
連城數十置百官宮觀僭於天子漢獨有三河東郡潁
川南陽自江陵以西至蜀北自雲中至隴西與內史
也凡十五郡而公主列侯頗食邑其中何者天下初定
骨肉同姓少故廣彊庶孽以鎮撫四海用承衛天子也
漢定百年之間親屬益疏諸侯或驕奢怵邪臣計謀為

要歸於仁義為
根本之論

淫亂

怵訓習

大者叛逆小者不軌於法以危其命殞身亡

國天子觀於上古然後加惠使諸侯得推恩分子弟國

邑

案武帝用主父偃言而下推恩之令也

故齊分為七

城陽濟北濟南菑川膠東膠西是分

為七

趙分為六

河間廣川中山常山清河

梁分為五

濟陽濟川濟東山陽

淮南分

三

廬江衡山

及天子支庶子為王王子支庶為侯百有餘焉

吳楚時前後諸侯或以適削地是以燕代無北邊郡吳

淮南長沙無南邊郡齊趙梁楚支郡名山陂海咸納於

漢諸侯稍微大國不過十餘城小侯不過數十里上足

末一段蓋因漢法
少密坐罪者多頗
致慨惜之意却能
以深婉之筆出之

以奉貢職下足以供養祭祀以蕃輔京師而漢郡八九
十形錯諸侯間犬牙相臨

謂交錯相銜如犬牙參差也

秉其阨塞地

利彊本幹弱枝葉之勢也尊卑明而萬事各得其所矣
臣遷謹記高祖以來至太初諸侯譜其下益損之時令
後世得覽形勢雖強要之以仁義為本

高祖功臣侯年表序

高祖初定天下表明有功之臣而侯之若蕭曹等

太史公曰古者人臣功有五品以德立宗廟定社稷曰
勲以言曰勞用力曰功明其等曰伐積日曰閱封爵之

誓曰使河如帶泰山若厲國以永寧爰及苗裔始未嘗不欲固其根本而枝葉稍陵夷衰微也余讀高祖侯功臣察其首封所以失之者曰異哉所聞書曰協和萬國遷於夏商或數千歲蓋周封八百幽厲之後見於春秋尚書有唐虞之侯伯歷三代千有餘載自全以蕃衛天子豈非篤於仁義奉上法哉漢興功臣受封者百有餘人天下初定故大城名都散亡戶口可得而數者十二三是以大侯不過萬家小者五六百戶後數世民咸歸

臣熙曰只平平
叙去而今皆盛
衰之感然言
外覺有無限低

鄉里戶益息蕭曹絳灌之屬或至四萬小侯自倍

倍其初封

時戶數也

富厚如之子孫驕溢忘其先淫嬖至太初百年之

間見侯五

謂平陽侯曹宗曲周侯酈終根陽河侯齊仁戴侯秘蒙穀陵侯馮偃也

餘皆坐

法隕命亡國耗矣罔亦少密焉

罔與網同

然皆身無兢兢於

當世之禁云居今之世志古之道所以自鏡也未必盡

同帝王者各殊禮而異務要以成功為統紀豈可緼乎

觀所以得尊寵及所以廢辱亦當世得失之林也何必

舊聞於是謹其終始表見其文頗有所不盡本末著其

明疑者闕之後有君子欲推而列之得以覽焉

禮書

節錄。按禮書樂書諸篇史記音義疑為褚少孫所補今刪去荀卿禮論兵論及小

戴禮樂記之文存者無多自屬司馬遷作其間或有脫簡而少孫以荀卿禮記之文補之也

先王制作之音雖未能盡得其精微

而文采斐然可資論討

臣正治曰史遷禮書雜採傳記

太史公曰洋洋美德乎宰制萬物役使羣衆宣人力也哉余至大行禮官大行秦官主禮儀者觀三代損益乃知緣人情而制禮依人性而作儀其所由來尚矣人道經緯萬端規矩無所不貫誘進以仁義束縛以刑罰故德厚者位

成大篇首洋洋
乎數語何等耶
重宜朱紫陽之
並稱之也

尊祿重者寵榮所以總一海內而整齊萬民也人體安

駕乘為之金輿錯衡以繁其飾

周禮王之五路有金路
鄭玄曰以金飾諸木也

目好五色為之黼黻文章以表其能耳樂鐘磬為之調

諧八音以蕩其心口甘五味為之庶羞酸醎以致其美

周禮羞用百有二十品鄭玄曰牲
及禽獸以備滋味故謂之庶羞

情好珍善為之琢磨

圭璧以通其意故大路越席

大路祀天車也越
席括草以為席也

皮弁布

裳

周禮王視朝有皮弁之服
鄭玄曰布裳積素為裳也

朱絃洞越

朱絃練朱絲絃
也越瑟底孔

大羹玄酒

大羹肉清
玄酒水也

所以防其淫侈救其彫敝是以君

荆川唐順之曰
叙禮制與廢有
典有則中間歎
恨褒貶之意令
人讀之慨然

臣朝廷尊卑貴賤之序下及黎庶車輿衣服宮室飲食
嫁娶喪祭之分事有宜適物有節文仲尼曰禘自既灌
而往者吾不欲觀之矣周衰禮廢樂壞大小相踰管仲
之家兼備三歸循法守正者見侮於世奢溢僭差者謂
之顯榮自子夏門人之高第也猶云出見紛華盛麗而
說入聞夫子之道而樂二者心戰未能自決而況中庸
以下漸漬於失教被服於成俗乎孔子曰必也正名於
衛所居不合仲尼沒後受業之徒沈湮而不舉或適齊

水心葉適曰自春秋以來儒者論禮樂何可勝數雖無謬於道而實知其意可以措之於治者絕少孔子曰安上治民莫善於禮移風易俗莫善於樂若夫淫鄙暴慢化導遷改和親安樂久而成性則雖湯武功成之樂孔子猶以為有憾於其間而況於

楚或入河海豈不痛哉至秦有天下悉內六國禮儀采擇其善雖不合聖制其尊君抑臣朝廷濟濟依古以來至於高祖光有四海叔孫通頗有所增益減損大抵皆襲秦故自天子稱號下至佐僚及宮室官名少所變改孝文即位有司議欲定儀禮孝文好道家之學以為繁禮飾貌無益於治躬化謂何耳故罷去之孝景時御史大夫鼂錯明於世務刑名數干諫孝景曰諸侯藩輔臣子一例古今之制也今大國專治異政不稟京師恐不

鄭聲乎遠乃謂
恭尊君抑臣朝
足濟濟方以太
初之初為典常
而鄭衛之音所
從來久人情所
感遠俗則懷何
其難於道而易
於言乎

可傳後孝景用其計而六國畔逆

吳楚趙蜀川濟南膠西為六國也

以

錯首名天子誅錯以解難事在袁盎語中是後官者養

交安祿而已莫敢復議今上即位招致儒術之士令共

定儀十餘年不就或言古者太平萬民和喜瑞應辨

音遍

至乃采風俗定制作上聞之制詔御史曰蓋受命而王

各有所由興殊路而同歸謂因民而作追俗為制也議

者咸稱太古百姓何望漢亦一家之事典法不傳謂子

孫何化隆者閎博治淺者褊狹可不勉與乃以太初之

古樂之亡久矣漢
去古未遠宜尚有
可論次者豈泯滅
於燔書之後耶讀
此令人有遐想焉

臣德宜曰樂以
導和而和必以
敬為本茲言虞
周作樂先之以

元改正朔

初用夏正以正月為
歲首改年為大初

易服色封泰山定宗廟

百官之儀以為典常垂之於後云

樂書

太史公曰余每讀虞書至於君臣相勅維是幾安而股肱不良萬事墮壞未嘗不流涕也成王作頌推已懲艾

悲彼家難

謂文四
美里

可不謂戰戰恐懼善守善終哉君

子不為約則修德滿則棄禮佚能思初安能惟始沐浴膏澤而歌詠勤苦非大德誰能如斯傳曰治定功成禮

勅幾動止自屬
從來論樂所未
發

鹿門茅坤曰太
史公於禮樂之
旨原不十分見
透故迷荀卿論
禮之言而作禮
書述樂記之言
而作樂書其所
發明率多揣摩
影響而成文然
其深者亦微
眇矣

樂乃興海內人道益深其德益至所樂者益異滿而不
損則溢盈而不持則傾凡作樂者所以節樂君子以謙
退為禮以減損為樂其如此也

節樂則聲音有節樂主
於盈而曰損減亦有節

之義以為州異國殊情習不同故博采風俗協比聲律以
補短移化助流政教天子躬於明堂臨觀而萬民咸蕩
滌邪穢斟酌飽滿以飾厥性故云雅頌之音理而民正
嘽噉之聲興而士奮

嘽姑堯反
噉音擎

鄭衛之曲動而心淫及

其調和諧合鳥獸盡感而況懷五常含好惡自然之勢

也治道虧缺而鄭音興起封君世辟

辟亦君也

名顯鄰州爭

以相高自仲尼不能與齊優遂容於魯雖退正樂以誘

世作五章以刺時

按家語孔子嗤季桓子作歌是五章之刺

猶莫之化陵遲

以至六國流沔沈佚遂往不反卒於喪身滅宗并國於

秦秦二世猶以為娛丞相李斯進諫曰放棄詩書極意

聲色祖伊所以懼也輕積細過

言惡必始於微也

恣心長夜紂

所以亡也趙高曰五帝三王樂各殊名示不相襲上自

朝廷下至人民得以接歡喜合殷勤非此和說不通解

澤不流亦各一世之化度時之樂何必華山之騷耳而
后行遠乎二世然之高祖過沛詩三侯之章令小兒歌
之

過沛詩即大風歌侯語辭分亦
語辭因沛詩有三兮故云三侯

高祖崩令沛得以四

時歌儗宗廟孝惠孝文孝景無所增更於樂府習常隸

舊而已

隸音
吳

至今上即位作十九章

按禮樂志房
中樂十九章

令侍

中李延年次序其聲拜為協律都尉通一經之士不能
獨知其辭皆集會五經家相與共講習讀之乃能通知
其意多爾雅之文漢家常以正月上辛祠太乙甘泉以

昏時夜祠到明而終常有流星經於祠壇上使僮男僮

女七十人俱歌春歌青陽夏歌朱明秋歌西皞冬歌玄

冥世多有故不論

見漢書禮樂志

又嘗得神馬渥洼水中

暴利長收

野馬於燉煌水旁獻之欲神異此馬云從水中出○注音室曲之室

復次以為太乙之歌

歌曲曰太乙貢今天馬下

貢作况

霑赤汗兮沫流赭

大宛馬汗

血霑濡也流沫如赭

騁容與兮跼萬里

跼音逆謂超踰也

今安匹兮龍與

友後伐大宛得千里馬名蒲梢

大宛舊有天馬種汗從前肩膊出如血

次作以為歌歌詩曰天馬來兮從西極經萬里兮歸有

德承靈威兮降外國涉流沙兮四夷服中尉汲黯進曰
凡王者作樂上以承祖宗下以化兆民今陛下得馬詩
以為歌協於宗廟先帝百姓豈能知其音邪上默然不
說丞相公孫弘曰黯誹謗聖制當族

律書

六律之學史遷論
之頗詳

王者制事立法物度軌則壹稟於六律

律有十二陽六為律黃鐘太簇

姑洗蕤賓夷則無射陰六為呂大呂夾鐘中呂林鐘南呂應鐘是也

六律為萬事根本焉

律歷志推歷生律制器規圓矩方權重衡平準繩嘉其量探賾索隱鈞深致遠莫不用焉是為萬事之根本

鹿門茅坤曰天地之化聲與氣合故古之太史能吹律聽聲以占軍兵而史遷因之以附律書發明六律之學聖人之微眇存焉非特當時嘯人弟子所習而已

於兵械尤所重

易稱師出以律是於兵械尤重

故云望敵知吉凶

兩軍相敵

上皆有雲氣望雲氣知勝負強弱

聞聲効勝負

周禮太師執同律以聽軍聲而詔其吉凶左傳

師曠知南風之不競即其類

百王不易之道也武王伐紂吹律聽聲

推孟春以至於季冬殺氣相并

武王伐紂吹律從春至冬殺氣相并而律亦應

之而音尚宮

兵書太師吹律合商則戰勝角則軍擾宮則軍和士卒同心徵則將急數怒軍士勞

羽則兵弱少威

同聲相從物之自然何足怪哉兵者聖人所以

討彊暴平亂世夷險阻救危殆自含血戴角之獸見犯

則校而況於人懷好惡喜怒之氣喜則愛心生怒則毒

螫音釋加情性之理也昔黃帝有涿鹿之戰以定火災顓

頊有共工之陳以平水害

共工主水官少昊氏稟秉政作虐故顓頊伐之

成湯

有南巢之伐以殄夏亂遞興遞廢勝者用事所受於天也

自是之後名士迭興晉用咎犯而齊用王子

徐廣云吳子成父

用孫武申明軍約賞罰必信卒霸諸侯兼列邦士

一作土

雖不及三代之誥誓然身寵君尊當世顯揚可不謂榮

焉豈與世儒闇於大較

大較大法也○音角

不權輕重猥云德化

不當用兵大至窘辱失守小乃侵犯削弱遂執不移等

哉故教答不可廢於家刑罰不可捐於國誅伐不可偃
於天下用之有巧拙行之有順逆耳夏桀殷紂手搏豺
狼足追四馬勇非微也百戰克勝諸侯懾服權非輕也
秦二世宿軍無用之地

正義謂三十萬備北
邊五十萬守五嶺

連兵於邊

陸力非弱也結怨匈奴絙禍於越勢非寡也及其威盡
勢極閭巷之人為敵國咎生窮武之不知足甘得之心
不息也高祖有天下三邊外畔大國之王雖稱蕃輔臣
節未盡會高祖厭苦軍事亦有蕭張之謀故偃武一休

息羈縻不備歷至孝文即位將軍陳武等議曰南越朝

鮮自全秦時內屬為臣子後且擁兵阻阨選蠕觀望

阨

賣反選思充反蠕而充反

高祖時天下新定人民小安未可復興兵

今陛下仁惠撫百姓恩澤加海內宜及士民樂用征討
逆黨以一封疆孝文曰朕能任衣冠念不到此會呂氏
之亂功臣宗室共不羞恥誤居正位常戰戰慄慄恐事
之不終且兵凶器雖克所願動亦耗病謂百姓遠方何
又先帝知勞民不可煩故不以為意朕豈自謂能今匈

臣執學曰養威
不試而後能神
武不殺忘備與
黷武事正相因

也富鄭公曰願
陛下二十年不
言用兵漢大帝
曰且無議軍時
深機機務不徒
為仁厚之言

奴內侵軍吏無功邊民父子荷兵日久朕常為動心傷
痛無日忘之今未能銷距願且堅邊設候結和通使休
寧北陲為功多矣且無議軍故百姓無內外之繇得息
肩於田畝天下殷富粟至十餘錢鳴鷄吠狗煙火萬里
可謂和樂者乎

太史公曰文帝時會天下新去湯火人民樂業因其欲
然能不擾亂故百姓遂安自年六七十翁亦未嘗至市
井游教嬉戲如小兒狀孔子所稱有德君子者耶

平準書

桑弘羊置大農部丞數十人分部主郡國置均輸鹽鐵官令遠方各以其物貴

時商賈所轉販者為賦而相灌輸置平準於京師太史公取此名篇以寓意

漢興接秦之弊丈夫從軍旅老弱轉糧饟作業劇而財

匱自天子不能具鈞駟

天子駕駟馬其色宜齊同今言國家貧天子不能具鈞色之駟

馬而將相或乘牛車齊民無藏蓋

齊民平民無物可蓋藏也於是為

秦錢重難用更令民鑄錢

鑄榆莢錢

一黃金一斤

秦以一鎰為一金漢

以一斤為一金約法省禁而不軌逐利之民蓄積餘業以稽市

物物踊騰耀

漢書耀字作躍

米至石萬錢馬一匹則百金天下

漢興民物凋敝至於武帝初年人給家足綢繆而民富則文景以來休養生息之實使可知矣

水心禁通曰平準書直叙漢事

明載聚歛之罪
比諸書最簡直
然觀遷意終以
為山海鉅重有
國之利按書遷
遷有無化居周
機而不征春秋
通商惠工皆以
國家之力扶持
商賈流通貨幣
故子產拒韓宣
子一環不與今
其祠尚存也漢
高祖始行國府
商人之策至武
帝乃有算船告

已平高祖乃令賈人不得衣絲乘車重租稅以困辱之
孝惠高后時為天下初定復弛商賈之律然市井之于
孫亦不得仕宦為吏量吏祿度官用以賦於民而山川
園池市井租稅之入自天子以至于封君湯沐邑皆各
為私奉養焉不領於天下之經費
經訓 漕轉山東粟以
給中都官歲不過數十萬石至孝文時英錢益多輕乃
更鑄四銖錢其文為半兩令民縱得自鑄錢故吳諸侯
也以即山鑄錢富埒天子其後卒以叛逆鄧通大夫也

繆之令鹽鐵權
酌之入極於平
準取天下百貨
自居之夫四民
交致其用而後
治化興抑末厚
本非平論也使
其果出於厚本
而抑末雖偏尚
有義若後世但
奪之以自利則
何名為抑恐此
意遠亦未知也

以鑄錢財過王者故吳鄧氏錢布天下而鑄錢之禁生
焉匈奴數侵盜北邊屯戍者多邊粟不足給食當食者

於是募民能輸及轉粟於邊者拜爵爵得至大庶長

文帝

用晁錯言令人入粟邊六百石爵上造稍增至四千
石為五大夫萬二千石為大庶長各以多少為差孝

景時上郡以西旱亦復修賣爵令而賤其價以招民及

徒復作得輸粟縣官以除罪益造苑馬以廣用

謂增益苑囿造

廐而養馬以廣用而宮室列觀輿馬益增修矣至今上即位數

歲漢興七十餘年之間國家無事非遇水旱之災民則

人給家足都鄙廩庾皆滿而府庫餘貨財京師之錢累

巨萬貫朽而不可校

校數也

太倉之粟陳陳相因充溢露

積於外至腐敗不可食衆庶街巷有馬阡陌之間成羣

而乘字牝者儻而不得聚會

儻與擯同

守閭閻者食粱肉為

吏者長子孫居官者以為姓號

倉氏廐氏是也

故人人自愛而

重犯法先行義而後絀恥辱焉當此之時網疏而民富

役財驕溢或至兼并豪黨之徒以武斷於鄉曲

鄉曲豪富無官

位而以威勢主斷曲直故曰武斷也

宗室有土公卿大夫以下爭於奢侈

升庵楊慎曰平
準書機杼歛之
臣也貨殖機好
貨之君也太史
公之旨千載而
下有趙訪知之
懿哉

室廬與服僭於上無限度物盛而衰固其變也自是之
後嚴助朱買臣等招來東甌事兩越江淮之間蕭然煩
費矣唐蒙司馬相如開路西南夷鑿山通道千餘里以
廣巴蜀巴蜀之民罷焉彭吳賈滅朝鮮置滄海之郡彭吳
人姓則燕齊之間靡然發動及王恢設謀馬邑匈奴絕
和親侵擾北邊兵連而不解天下苦其勞而干戈日滋
行者齎居者送中外騷擾而相奉百姓抗弊以巧法抗者
耗也消耗之名言百姓財賂衰耗而不贍入物者補官
貨弊故行巧詆之法也

出貨者除罪選舉陵遲廉恥相冒武力進用法嚴令具
興利之臣自此始也

桑弘羊孔
僅之屬

太史公曰農工商交易之路通而龜貝金錢刀布之幣
興焉所從來久遠自高辛氏之前尚矣靡得而記云故
書道唐虞之際詩述殷周之世安寧則長庠序先本絀
末以禮義防於利事變多故而亦反是以物盛則衰
時極而轉一質一文終始之變也禹貢九州各因其土
地所宜人民所多少而納職焉湯武承弊易變使民不

倦各兢兢所以為治而稍陵遲衰微齊桓公用管仲之
謀通輕重之權徼山海之業以朝諸侯用區區之齊顯
成霸名魏用李克盡地力為彊君自是之後天下爭於
戰國貴詐力而賤仁義先富有而後推讓故庶人之富
者或累巨萬而貧者或不厭糟糠有國彊者或并羣小
以臣諸侯而弱國或絕祀而滅世以至於秦卒并海內
虞夏之幣金為三品即下或黃或白或赤也或黃或白或赤黃黃金白
白銀赤或錢或布言布於民間也或刀名錢為刀者以其利於民也或龜貝赤銅

及至秦中一國之幣為三等黃金以鎰石

二十兩為鎰

為上

幣銅錢識曰半兩重如其文為下幣而珠玉龜貝銀錫之屬為器飾寶藏不為幣然各隨時而輕重無常於是外攘夷狄內興功業海內之士力耕不足糧餼女子紡績不足衣服古者常竭天下之資財以奉其上猶自以為不足也無異故云事勢之流相激使然曷足怪焉

孔子世家贊

太史公曰詩有之高山仰止景行行止雖不能至然心

只至聖二字千古
贊孔子者何復

元明何良俊曰
方漢之興孔子
尚未有封號而
太史公遂為之
立世家夫有土
者以土世其家
有德者以德世
其家今觀戰國
以來凡有爵土
者能至今存者
即則世家之久
莫有過於孔子
者雖謂太史公
為不知孔子哉
表章伯夷實始孔
子故此傳專以孔
子為據恕字即從
孔子語中拈出又

鄉往之余讀孔氏書想見其為人適魯觀仲尼廟堂車

服禮器諸生以時習禮其家余祇回留之不能去云

祇敬

也言祇敬遲迴不能去之又一作低迴天下君王至於賢人衆矣當時則

榮沒則已焉孔子布衣傳十餘世學者宗之自天子王

侯中國言六藝者折中於夫子

折斷也中當也

可謂至聖矣

伯夷列傳

敘列事跡令可傳於後世故曰列傳

夫學者載籍極博猶考信於六藝詩書雖缺然虞夏之
文可知也堯將遜位讓於虞舜舜禹之間岳牧咸薦乃

從怨字生出天之
報施意從天道生
出一段議論遂節
相生錯綜變化

水心葉適曰違
本意取高尚不
受利祿者為列
傳首是也

荆川唐順之曰
此傳如蛟龍不
可捉摸

試之於位典職數十年功用既興然後授政示天下重

器王者大統傳天下若斯之難也而說者曰堯讓天下

於許由

皇甫謐高士傳云許由字武仲堯聞致天下而
讓焉乃退而遁於中嶽潁水之陽箕山之下堯

又名為九州長由不欲
聞之洗耳於潁水濱

許由不受耻之逃隱及夏之時

有卞隨務光者此何以稱焉

夏時有卞隨務光殷湯讓
之天下並不受而逃事具

莊周讓
王篇

太史公曰余登箕山其上蓋有許由冢云孔子

序列古之仁聖賢人如吳太伯伯夷之倫詳矣余以所

聞由光義至高其文辭不少概見何哉孔子曰伯夷叔

齊不念舊惡怨是用希求仁得仁又何怨乎余悲伯夷

之意睹軼詩可異焉

逸詩之文即下采薇之詩是也

其傳曰伯夷叔齊

孤竹君之二子也

其傳蓋韓詩外傳及呂氏春秋也其傳云孤竹君殷湯所封傳至夷齊之

父名初字子朝伯夷名允字公信叔齊名致字公達應劭云伯夷姓墨胎氏括地志云孤竹古城在盧龍縣

父欲立叔齊及父卒叔齊讓伯夷伯夷曰父命也遂逃

去叔齊亦不肯立而逃之國人立其中子於是伯夷叔

齊聞西伯昌善養老盍往歸焉及至西伯卒武王載木

主號為文王東伐紂伯夷叔齊叩馬而諫曰父死不葬

稚川葛洪曰伯夷首列傳以為善而無報也

爰及干戈可謂孝乎以臣弑君可謂仁乎左右欲兵之

太公曰此義人也扶而去之武王已平殷亂天下宗周

而伯夷叔齊恥之義不食周粟隱於首陽山

首陽山在河東蒲坂

華山之北河曲之中

采薇而食之及餓且死作歌其辭曰登彼西

山兮采其薇矣以暴易暴兮不知其非矣神農虞夏忽

焉沒兮我安適歸矣于嗟徂兮命之哀矣遂餓死於首

陽山由此觀之怨耶非耶或曰天道無親常與善人若

伯夷叔齊可謂善人者非耶積仁絜行如此而餓死且

伯厚王應麟曰
程子云天道甚
大安可以一人
之故妄意窺測
如曰頗何為而
天誅何為而壽
此皆指一人計
較天理非知天
者也

七十子之徒仲尼獨薦顏淵為好學然回也屢空糟糠
不厭而卒蚤天天之報施善人其何如哉盜跖日殺不
辜跖者黃帝時大盜之名以柳下惠弟為天下大盜故世號為盜跖肝人之肉暴戾恣
睢聚黨數千人橫行天下竟以壽終是遵何德哉此其
尤大彰明較著者也若至近世操行不軌專犯忌諱而
終身逸樂富厚累世不絕或擇地而蹈之時然後出言
行不由徑非公正不發憤而遇禍災者不可勝數也余
甚惑焉儻所謂天道是耶非耶子曰道不同不相為謀

亦各從其志也故曰富貴如可求雖執鞭之士吾亦為之如不可求從吾所好歲寒然後知松栢之後凋舉世混濁清士乃見豈以其重若彼其輕若此哉君子疾沒世而名不稱焉賈子曰

賈誼也作鵬鳥賦云然

貪夫徇財烈士徇

名夸者死權衆庶馮生

馮者恃也音凭

同明相照同類相求

雲從龍風從虎聖人作而萬物覩伯夷叔齊雖賢得夫子而名益彰顏淵雖篤學附驥尾而行益顯巖穴之士趨舍有時若此類名堙滅而不稱悲夫閭巷之人欲砥

行立名者非附青雲之士惡能施於後世哉

孟子列傳

漢人推崇孟子者
多與荀卿並稱此
傳如仲尼策色陳
蔡孟軻困於齊梁
等語直以孔孟並
舉不為無見

東發黃震曰太
史公之傳孟子
首舉不言利之
謝嘆息以先之

太史公曰余讀孟子書至梁惠王問何以利吾國未嘗
不廢書而歎也曰嗟乎利誠亂之始也夫子罕言利者
常防其原也故曰放於利而行多怨自天子至於庶人
好利之弊何以異哉孟軻鄒人也受業子思之門人道
既通游事齊宣王宣王不能用適梁梁惠王不果所言
則見以為迂遠而濶於事情當是之時秦用商君富國

然後為之傳而傳自受業子思之外復無他語惟詳述一時當國強兵之流與駟衍迂怪不可究詰以取重當世之說形孟子之守道不變與仲尼菜色陳蔡者同科奇哉達之文章哉達之識與

西山真德秀曰

孟荀傳旁及諸

子而無乎議論

彊兵楚魏用吳起戰勝弱敵齊威王宣王用孫子田忌之徒而諸侯東面朝齊天下方務於合從連衡以攻伐為賢而孟軻乃述唐虞三代之德是以所如者不合退而與萬章之徒序詩書述仲尼之意作孟子七篇其後有駟子之屬齊有三駟子其前駟忌以鼓琴干威王因及國政封為成侯而受相印先孟子其次駟衍後孟子駟衍睹有國者益淫侈不能尚德若大雅整之於身施及黎庶矣乃深觀陰陽消息而作怪迂之變終始大聖

傳之變體也

臣鴻緒曰通篇
正叙旁引總橫
變化傳體中實
變最奇者

之篇十餘萬言其語闕大不經必先驗小物推而大之
至於無垠先序今以上至黃帝學者所共術大並世盛

哀

言其大體隨代盛衰觀時而說事

因載其機祥度制推而遠之至天

地未生窈冥不可考而原也先列中國名山大川通谷
禽獸水土所殖物類所珍因而推之及海外人之所不
能睹稱引天地剖判以來五德轉移治各有宜而符應
若茲以為儒者所謂中國者於天下乃八十一分居其
一分耳中國名曰赤縣神州赤縣神州內自有九州禹

之序九州是也不得為州數中國外如赤縣神州者九

乃所謂九州也於是有裨海環之

裨海小海也九州之外更有大瀛海故知

裨是
小海

人民禽獸莫能相通者如一區中者乃謂一州如

此者九乃有大瀛海環其外天地之際焉其術皆此類

也然要其歸必止乎仁義節儉君臣上下六親之施始

也濫耳

濫即濫觴是江源之初始故此文以濫為初謂衍之術皆可以為後代宗本故云濫

王公

大人初見其術懼然顧化

懼音
効

其後不能行之是以騶

子重於齊適梁梁惠王郊迎執賓主之禮適趙平原君

側行褰席

褰拂也。足結反。

如燕昭王擁彗先驅彗帝也請列第

子之座而受業築碣石宮

碣石宮在幽州薊縣

身親往師之作主

運

鄒子書有主運篇

其游諸侯見尊禮如此豈與仲尼菜色陳

臣英曰天橋排宿卓犖不羣此龍門之所以自為千古也

蔡孟軻困於齊梁同乎哉故武王以仁義伐紂而王伯

夷餓不食周粟衛靈公問陳而孔子不答梁惠王謀欲

攻趙孟軻稱大王去邠此豈有意阿世俗苟合而已哉

持方枘欲內圓鑿其能入乎

方枘是筍也。圓鑿其孔也以方枘而納圓鑿齟齬而

不入也或曰伊尹負鼎而勉湯以王百里奚飭牛車下而

詮次井然詳雅文
勢遶宕是史遷本
色

繆公用霸作先合然後引之大道騶衍其言雖不軌儻

亦有牛鼎之意乎自騶衍與齊之稷下先生如淳于髡

慎到環淵接子田駢騶奭之徒

稷齊之城門也或云稷山名環淵接子古著書

人之稱號也慎子十卷在法家接子二篇田子二十五篇俱道家騶奭十二篇陰陽家

各著書言

治亂之事以干世主豈可勝道哉

儒林列傳序

儒林謂儒雅之林綜理古文宣明舊藝以成王法

太史公曰余讀功令

學者課功著之於令

至於廣厲學官之路未

嘗不廢書而歎也曰嗟乎夫周室衰而關雎作幽厲微

梔野王維楨曰
文學興廢世代
沿革此文備之
看他敘數千百
年事畧無滲漏

臣士奇曰遷序
六家獨反覆於
春秋以道其史
記所由作復為
儒林立傳表章
諸經師創史家
之義例謂其先
黃老後六經殆

而禮樂壞諸侯恣行政由彊國故孔子閔王路廢而邪
道興於是論次詩書修起禮樂適齊聞韶三月不知肉
味自衛返魯然後樂正雅頌各得其所世以混濁莫能
用是以仲尼干七十餘君無所遇曰苟有用我者期月
而已矣西狩獲麟曰吾道窮矣故因史記作春秋以當
王法其辭微而指博後世學者多錄焉自孔子卒後七
十子之徒散游諸侯大者為師傅卿相小者友教士大
夫或隱而不見故子路居衛子張居陳澹臺子羽居楚

子夏居西河子貢終於齊如田子方段干木吳起禽滑
釐之屬皆受業於子夏之倫為王者師是時獨魏文侯
好學後陵遲以至於始皇天下並爭於戰國儒術既絀
焉然齊魯之門學者獨不廢也於威宣之際孟子荀卿
之列咸遵夫子之業而潤色之以學顯於當世及至秦
之季世焚詩書坑術士六藝從此缺焉陳涉之王也而
魯諸儒持孔氏之禮器往歸陳王於是孔甲為陳涉博
士孔子八世孫
名鮒字甲也卒與涉俱死陳涉起匹夫驅瓦合適戍

旬月以王楚不滿半歲竟滅亡其事至微賤然而縉紳先生之徒負孔子禮器往委質為臣者何也以秦焚其業積怨而發憤于陳王也及高皇帝誅項籍舉兵圍魯魯中諸儒尚講誦習禮樂絃歌之音不絕豈非聖人之遺化好禮樂之國哉故孔子在陳曰歸與歸與吾黨之小子狂簡斐然成章不知所以裁之夫齊魯之間於文學自古以來其天性也故漢興然後諸儒始得修其經藝講習大射鄉飲之禮叔孫通作漢禮儀因為太常諸

鹿門茅坤曰太史傳儒林不採道德之士及其說經之者獨取六藝門戶此其不知學之過也

生弟子共定者咸為選首於是喟然歎興於學然尚有

干戈平定四海亦未暇遑庠序之事也孝惠呂后時公

卿皆武力有功之臣孝文時頗徵用

言孝文稍用文學之士居位

然

孝文帝本好刑名之言及至孝景不任儒者而竇太后

又好黃老之術故諸博士具官待問未有進者及今上

即位趙綰王臧之屬明儒學而上亦鄉之於是招方正

賢良文學之士自是之後言詩於魯則申培公於齊則

轅固生

申轅姓培固名公生其號也

於燕則韓太傅

韓嬰也為常山王太傅

言

古人云漢儒傳經而經亡於此亦可察見矣

仁山金履祥曰
首以讀功令廣

尚書自濟南伏生

字子賤

言禮自魯高堂生

秦氏季代有魯人高堂伯

則伯是其字云生者自漢以來儒者皆號生即先生之稱省字呼之耳

言易自菑川田生

言春秋於齊魯自胡毋生

胡毋姓也字子都

於趙自董仲舒及

竇太后崩武安侯田蚡為丞相絀黃老刑名百家之言

延文學儒者數百人而公孫弘以春秋白衣為天子三

公封以平津侯天下之學士靡然鄉風矣公孫弘為學

官悼道之鬱滯乃請曰丞相御史言

自此以下皆制曰弘奏請之辭

蓋聞導民以禮風之以樂婚姻者居室之大倫也今禮

厲學官之路而
發歎蓋歎六藝
之廢而興之難
也六藝興於孔
子至秦而廢漢
初尚未能復至
武帝向儒學招
大學之士而公
孫弘能承輔以
興之于是備載
其請著功令可
以廣厲學官之
路者於篇末

廢樂崩朕甚愍焉故詳延天下方正博聞之士咸登諸

朝其令禮官勸學講議洽聞興禮以為天下先太常議

與博士弟子崇鄉里之化以廣賢材焉謹與太常臧

漢書

百官表博士平等議曰聞三代之道鄉里有教夏曰校

孔臧也

殷曰序周曰庠其勸善也顯之朝廷其懲惡也加之刑

罰故教化之行也建首善自京師始由內及外今陛下

昭至德開大明配天地本人倫勤學修禮崇化厲賢以

風四方太平之原也古者政教未洽不備其禮請因舊

官而興焉為博士官置弟子五十人復其身太常擇民
年十八已上儀狀端正者補博士弟子郡國縣道邑有
好文學敬長上肅政教順鄉里出入不悖所聞者令相
長丞上屬所二千石二千石謹察可者當與計偕詣太
常計計吏也偕俱也謂令與計吏俱詣太常也得受業如弟子一歲皆輒試

能通一藝以上補文學掌故缺其高第可以為郎中者
太常籍奏即有秀才異等輒以名聞其不事學若下材
及不能通一藝輒罷之而請諸不稱者罰臣謹案詔書

律令下者明天人分際通古今之義文章爾雅訓辭深厚恩施甚美小吏淺聞不能究宣無以明布諭下治禮次治掌故以文學禮義為官遷留滯請選擇其秩比二百石以上及吏百石通一藝以上補左右內史大行卒史比百石以下補郡太守卒史皆各二人邊郡一人先用誦多者若不足乃擇掌故補中二千石屬文學掌故補郡屬

漢儀弟子射策甲科百人補郎中乙科二百人補太子舍人皆秩比二百石次郡國文學秩百

石也備員請著功令佗如律令制曰可自此以來則公卿

觀史運以述往事
思來者自任處殊
感慨淋漓

臣杜鈞曰洋洋
大篇一唱三歎
所謂文生於情
復此史家多祖

卷十三
大夫士吏斌斌多文學之士矣

太史公自序 節錄

太史公曰先人有言

先人司馬談也

自周公卒五百歲而有孔

子孔子卒後至於今五百歲有能紹明世正易傳繼春

秋本詩書禮樂之際意在斯乎意在斯乎小子何敢讓

焉上大夫壺遂曰

遂為詹事秩二十石故位上大夫也

昔孔子何為而作春

秋哉太史公曰余聞董生曰

仲舒也

周道衰廢孔子為魯

司寇諸侯害之大夫壅之孔子知言之不用道之不行

之然俱睦乎後
矣

也是非二百四十二年之中以為天下儀表貶天子退諸侯討大夫以達王事而已矣子曰我欲載之空言不如見之於行事之深切著明也

孔子之言
見春秋緯

夫春秋上明

三王之道下辨人事之紀別嫌疑明是非定猶豫善善惡惡賢賢賤不肖存亡國繼絕世補敝起廢王道之大者也易著天地陰陽四時五行故長於變禮經紀人倫故長於行書記先王之事故長於政詩記山川谿谷禽獸草木牝牡雄雌故長於風樂樂所以立故長於和春

水心禁道曰大
史公言春秋之
義本於公羊董
仲舒

金少子人卷十三
秋辨是非故長於治人是故禮以節人樂以發和書以
道事詩以達意易以道化春秋以道義撥亂世反之正
莫近於春秋春秋文成數萬其指數千萬物之散聚皆
在春秋春秋之中弑君三十六亡國五十二諸侯奔走
不得保其社稷者不可勝數察其所以皆失其本已故
易曰失之豪釐差以千里故曰臣弑君子弑父非一旦
一夕之故也其漸久矣故有國者不可以不知春秋前
有讒而弗見後有賊而不知為人臣者不可以不知春

秋守經事而不知其宜遭變事而不知其權為人君父

而不通於春秋之義者必蒙首惡之名為人臣子而不

通於春秋之義者必陷篡弑之誅死罪之名其實皆以

為善為之不知其義

心實善為之不知其義理則陷於罪咎

被之空言而

不敢辭

趙盾不知討賊而不辭其罪

夫不通禮義之旨至於君不君

臣不臣父不父子不子君不君則犯

違犯禮義

臣不臣則誅

父不父則無道子不子則不孝此四行者天下之大過

也以天下之大過予之則受而弗敢辭故春秋者禮義之

迂齋樓訪曰世
家源流論著於
前而自叙處文
字反覆委折有
開闢變化之妙

大宗也夫禮禁未然之前法施已然之後法之所為用
者易見而禮之所為禁者難知壺遂曰孔子之時上無
明君下不得任用故作春秋垂空文以斷禮義當一王
之法今夫子上遇明天子下得守職萬事既具咸各序
其宜夫子所論欲以何明太史公曰唯唯否否不然余
聞之先人曰伏羲至純厚作易八卦堯舜之盛尚書載
之禮樂作焉湯武之隆詩人歌之春秋采善貶惡推三
代之德褒周室非獨刺譏而已也漢興以來至明天子

東發黃震曰說
生連報以文章
世其家揚名後
世亦可謂善繼
人之志者矣

獲符瑞封禪改正朔易服色受命於穆清澤流罔極海
外殊俗重譯歎塞請來獻見者不可勝道臣下百官力
誦聖德猶不能宣盡其意且士賢能而不用有國者之
恥主上明聖而德不布聞有司之過也且余嘗掌其官
廢明聖盛德不載滅功臣世家賢大夫之業不述墮先
人所言罪莫大焉余所謂述故事整齊其世傳非所謂
作也而君比之於春秋謬矣於是論次其文七年

天漢三年

而太史公遭李陵之禍幽於縲紲乃喟然而歎曰是余

之罪也夫是余之罪也夫身毀不用矣退而深惟曰夫

詩書隱約者

謂其義隱微而言約也

欲遂其志之思也昔西伯拘

羑里

在湯陰

演周易孔子厄陳蔡作春秋屈原放逐作離

騷左丘失明厥有國語孫子臚脚而論兵法不韋遷蜀

世傳呂覽

即呂氏春秋也

韓非囚秦說難孤憤詩三百篇大抵

聖賢發憤之所為作也此人皆意有所鬱結不得通其

道也故述往事思來者於是卒述陶唐以來至於麟止

自黃帝始

按裴駟言司馬遷善序事理辯而不華質而不俚自劉向揚雄博極羣書皆稱遷有良史

之才而蘇轍謂其文疎蕩有奇氣氣充乎中而溢乎其貌鄭樵則云仲尼既歿六經以後惟有此作同極文章之偉觀矣而獨是西山真氏選其敘事之文首尾未免疎脫且紀傳甚夥難以摭采今第錄其序贊及列傳之有議論者以著大畧其餘則觀全史得之班固以下倣此



御選古文淵鑒卷十三